

**VITA B. IOANNIS
CHISII SENENSIS
ORDINIS
EREMITARUM S.P.
AUGUSTINI ALEX...**

Niceforo Sebasti







100-111-111

[Faint handwritten notes]



V I T A

B. IOANNIS CHISII

S E N E N S I S

ORDINIS EREMITARVM

S. P. A V G V S T I N I

ALEX. VII. fel. record. Gentilis .

Poetico calamo adiectis Hypomnematibus delineata :

A R. P. Fr. NICEPHORO SEBASTO

Eiusdem Ord. ac Neap. Coll. S. T. M. Archiepiscopi
palis ibidem Curiae pro Em. Card. Caracciolo
Archiep. Exam. Synod. S. Officij Regni, ac
Indicis de Vrbe Consultore .

*Accesserunt in hac altera editione ab Auctore recogni-
ta, & in paucis aucta, D. Angela Chisia eiusdem
B. Io. Neptis, & Ord. Sanctimonialis Vitae
Synopsis, & Epinicia ad ALEX. VII. in
Epidemiam ab Vrbe profligatam .*

*Typis
scholarum*



*prolixi
quoniam*

Romae, Typis Michaelis Herculis Anno Iubilei 1675.

Superiorum permissu .

Iterum imprimatur, si videbitur Reuerendiss.

P. Mag. Sac. Pal. Apost.

I. de Angelis Archiep. Urb. Vicesg.

Imprimatur,

**Fr. Raymundus Capisuccus Ord. Præd. Sac.
Pal. Apost. Mag.**

EMINENTISSIMO PRINCIPI
F L A V I O
S. R. E. CARDINALI
C H I S I O.



*V*imprimùm ex Parthenopeis oris
ad hanc *V*rbium Reginam me
contulissem, diuinam Dei clemen-
tiam hoc fausto Iubilei anno impe-
traturus, quam *ALTERIA SIDERA* cle-
menti admodum, benignòque impertiuntur in-
fluxu, statui, Card. Emin; etiam prælo mere-
ri in edenda *V*ita Beati Ioannis Chisij Gen-
tilis Tui, quam *T*ypis mandare *V*iri non
pauci pietate, ac doctрина conspicui me sæpius
suis precibus impulerunt. Romæ primò huius
*B. V*itam in lucem emisit, & *A*lexandro *V* II.
(cuius memoria in benedictione est) magno
*P*atruo Tuo, & *B.* Ioanni Chisio Agnato suo,

& vitæ integritatē, & assidua mortis in vita meditatione, Chisijque generis splendori non absimili, sanè meritò dicatam volui; cui affabrè est illud Poeticum:

Quæris Alceide parem?

Nemo est, nisi ipse.

Nunc ultimò iterum Romæ eiusdem Beati Vita in lucem prodit, & ad Te, quia in Te, Card. Emin; eximia illius animi ornamenta, & egregia virtutum specimina suam fixisse sedem videntur, veluti riuus suum ad fontem redit: unde mihi dubium non est, Card. Emin; quin læto, benignòque vultu illam excipies. Vnum tantum à Te enixè rogo, precòrque, ne minori animi benignitate, qua pridem Patruus Tuus Alexander VII. Christianorum dignissimus illam à me oblatam excipere non est dedignatus; ita futurum sperat hæc Tui Beati Vita, speratque tota nostra Augustiniana Religio, quam Tu Maiorum Tuorum exemplo tanta beneuolentia cõple-

plecteris, ac deuotus innumeris beneficijs pro-
 sequeris; neque exempla multa hic congeram
 ad veritatem hanc firmandam; patent quidem
 clarissimè Tua, Tuorumque, ac Tui pientissimi
 Patru*i* Alex. VII. illustria pietatis monumē-
 ta, dignissimis ornata Elogijs, posterisque
 cōmēdata, almo in nostro Deiparæ Virginis de
 Populo Templo, & mille alia his non minus
 illustria Iliceti, Senis, Tulphis, ac plurimis in
 alijs nostræ Augustinianæ Religionis Tem-
 plis, quæ, quanto inclyti Maiores Tui in eādē
 propenso fuerint animo, amore, & charitate,
 satis, supèrque ostendunt; idcirco aliquod mei
 amoris symbolum pro ea Tibi exhibere in vo-
 tis semper habui, idquè non aliter, quàm huius
 oblatione munusculi testatum volui, cui ne
 id, quod est affectu, cultuque erga Te longè
 maximum, perexiguum videatur, addere vi-
 sum fuit in hac alia editione D. Angelæ Chi-
 siæ, eiusdem B. Ioannis Neptis, nostrique iti-
 dem Ordinis Sanctimonialis Vitæ Synopsim,

Epinicia ad Alex. VII. in Epidemiam ab
Urbe profligatam, cuius charitas Peste gras-
sante in Urbe, adeo effulsit suos erga ciues
damnosa lue infectos, ut hanc à me exigeret
commendationem; equum profectò erat, ne in-
tra unius Urbis ambitum concluderetur cha-
ritas illa, quæ totius Orbis applausum mere-
batur, & quæ uniuersis animarum Pastori-
bus in exemplum proponenda erat. Hæc iti-
dem in sinum Cardinalitiæ tuæ Purpuræ cõ-
uolare ambiunt, nec minori animi beneuolen-
tia, qua B. Ioannis Tui Vita pergrata Tibi,
futurum esse sperant, speratque Romæ ex
August. Cænobio hac die 19. Septembris An-
no Iubilei 1675.

Emin. Tuæ

Additissimus

M. F. Nicephorus Sebastus Melissenus
Ord. Erem. S. P. Aug.

S. D. N.



S. D. N.
ALEXANDRO
SEPTIMO
PONT. OPT. MAX.



DNDECENS erat profectò
(Beatissime Pater) sanctos
tuos deosculaturum Pedes,
sine aliquo redostimento
accedere; exiguum sanè mu-
nus **ALEXANDRO** foret vnus Orbis
donum ; id autem cuiusque Religiosi vi-
A 4 ribus

ribus impar . Itaque tenui voti mei operæpretium ratus dignius nihil Tibi me oblatum credidi , quam Beati Gentilis Tui IOANNIS CHISII Vitam , poetico prodromam calamo depictam ; qui non immeritò virtutum , & monasticæ perfectionis exemplar absolutissimum , & priscis Thebaidos Anachoretis à multis copiosè , à nullo fatis celebratus , non ab-similis . CHISIORVM Stemmati tantum debetur decus , vt quòd innumeros penè Toga, Sagòque insignes protulerat Heroes , Beati Viri sanctitate totum Terrarum Orbem , Tibiquè deuotam præsertim Augustini familiam , virtutum omnium splendore ad immortalitatis gloriam illustraret . Hinc innata Sanctitati Tuæ pia grati erga Augustinianos animi voluntas , quæ in faustis Pontificatus Tui primordijs liberali manu, in Deiparæ Virginis de Populo restauratione cunctis effulsit ,

fulsit, vbi illustres, ac deuoti CHISII
agnati Tui terrenarum exuiarum quie-
tem sibi elegerunt; nec minus Illiceti, quàm
Senis in Augustinianorum Templis di-
gnum sibi tumulum statuerunt, & peren-
nem. Sed maior animus superest, qui in
Beati Thomæ Villanouani Apotheosi in-
notuit; id nedum Christianus Orbis, ve-
rùm & Augustiniana Religio, Hispani
omnes, immo & Serenissimus PHILIP-
PVS IV. Regum pijssimus sperant, vo-
ta, precèsque ingeminant. Hinc etiam de
D. ANGELA CHISIA Sanctimo-
niali, Ordinis nostri ornamento, & Beati
IOANNIS huius Nepte insignem he-
roicarum virtutum periodum adderem, ni
verer in vtriusque encomia effusior, &
in Tua, Religiosum Tuæ Sanctitatis ani-
mum, ac modestas aures offendere; satis
famigeratum est CHISIORVM no-
men apud Italos, satis, superque à Paul-
lo

lo Iouio, Petro Bembo, Iulio Cæsare Scalligero; Petro Aretino, Hieronymo Borgia Episcopo Massæ Lubren. Ferdinando Furstenbergio, Ioanne Baptista Masculo nostri æui Horatio, Scriptoribùsque clarissimis alijs celebratum, vt meo calamo non indigeat; hinc manum è tabula.

Romæ ex Augustiniano Asceterio Kalen. Maias Anno sal. reparatæ 1656.

Sanctitatis Tuæ

Humillimus Seruus

M.F. Nicephorus Sebastus Melissenus
Ord. Erem. S. P. Aug.

AD

A D

ALEXANDRVM VII.

P O N T. M A X.

De Priscis eius, & illustribus genethliaci
 stemmatis titulis, & promiscuis Urbis
 cum B. IO ANNE CHISIO,
 eius affini plausibus.

E P I G R A M M A.

S Enensi Veneranda solo Gens CHISIA fulget,
 Quam prisca decorant nobilitatis Aui.
 Ardinghesca olim, & Comitum insignita coronis
 Floruit, hinc armis, hinc ditioe potens.
 Illa suos dedit Heroes clarescere Mundo,
 Quos longa in serie sacula sera canent. (ni
 Plaudit ALEXANDRO, & proclamo Roma Ioā-
 Et geminum in Caelo nomen, & Orbe colit.



A D

A D E V N D E M.

De Restauratione Templi
 S. MARIÆ DE POPVLO,
 Ord. Erem. S. P. A V G V S T I N I;
 in quo eius gentilitium Sacellum
 per A V G V S T I N V M C H I S I V M
 extruētum emicat.

E P I G R A M M A.

Hic ubi de Populo veneraris Virginis Aedē,
 Nux fuerat, sub qua busta Neronis erant.
 Hic Stygis Vrbanas vexabant agmina gentes,
 Paschasius casa sed nuce monstra fugat.
 At modo ne defit grata spatiantibus umbra
 Arbor, ALEXANDRI Quercus amica vires.
 Sanctæque bisseño exurgunt fundamina Monte,
 Quæis sacer aeterno Sidere fulget apex.

H Y P O M N E M A.

Qui hæc, pluræque alia de hoc nobilissimo
 Templo scire auct, adeat, & legat Am-
 brosium Landuccium Sacrarij Apostolici Præfe-
 ctum, Episcopum Porphyrien. ALEXAN-
 DRI

DRI VII. Pont. Max. Sacelli Afsistentem ,
in Origine Templi Sanctæ Mariæ de Populo de Vrbe ,
 Italico idiomate conscripta , & Romæ in lucem
 emissa ; quod equidem Templum pia , & stricta
 Religionis obseruantia à Patribus illius Asceterij
 colitur , quorum Religiosus , & indefessus animus
 à primæuo instituti feruore ad hæc vsque tempora
 viget , vigebitque ,



A D E V N D E M.

De eius animo ALEXANDRO
 non impari, quoad Urbem nuper
 Serenissimam CHRISTINAM
 Succorum Reginam excepit.

Cum allusione ad vtriùsq; Insignia, ex quibus
 Aurea Mundo sæcula aduenisse accinit.

E P I G R A M M A:

A Vrea mutato redierunt sæcla metallo;
 Et fato Cælum nobiliore nitet. (cus,
 Venit ALEXANDRI Cereris pro munere Quer-
 Bissenòque caput porrigit alta iugo.
 Exornata nitens illustrat culmina Sidus,
 Et sacro fortes præbet ab axe faces.
 Nil desit, CHRISTINA suos expromit aristas,
 Aurea ut in Terris undique sæcla fluant.



V I T A

B. IOANNIS CHISII
S E N E N S I S

Ord. Eremitarum Sancti AVGVSTINI,
ALEXANDRI VII. Pont. Max. Gentilis.
SACRAE ILICITANAÆ, ET
Vallis asprensis Eremitæ Origo.

CAPVT PRIMVM.

P R A E F A T I O.

ILicis Anfani syluam tenuere Sodales
Primi, quem Senis Lyffias ense necat.
Queis Mediolani Augustinus fonte renatus,
Ad nemus occurrens dogmata sacra dedit.
Post rigidam lustrat Vallis asprensis Eremũ,
Cui primę Blasius struxerat Aedis opus.
Hic Augustini est vestigia sancta secutus,
Hic meruit superas dignus adire domos.
Vtraque post Chisiũ Cœlo produxit Eremus,
Vtraque, quo lōgum nomen Eremus habet.

HY-

HYPOMNEMA.

DE gemina ista Eremitarum semper ex quo coli cæpta, non doctrina modo, sed & sanctitate celeberrimum longè feracissima; vide Mart. V. *Sermones ad Fratres August. de Translat. Sanctæ Monicæ*. Aegidium nostrum Card. Viterb. *In Panegir. Illicit. apud Bonfig. pag. 10. Franc. Rap. Lima spirit. pag. 32. part. 2. Lugurram Tomaf. part. 1. Histor. Sen. pag. 5. de qua etiam geminam habes descriptionem, alteram vinctâ, alteram solutâ delineatam oratione ad Vallisasprensens Eremitarum Templum, quam Patres illius ævi in grati animi tesseram posuerunt, quarum prima, quæ ad illius atrium extat ob senij squallorem quædam in metris deleta, ac vetustatis rigorem absumpta, nuper ab ALEXANDRO VII. Pont. Max. Vatè Christianorum dignissimo iniustam carminum symmetriam redacta sunt, & innouata, ut infra maioribus paulò characteribus notatum inspicies.*

A Debat Christi bis septem lustra trecentis
 Annis mendaces Roma perosa Deos,
 Sceptra Valentinianus habebat COESARIS,
 ATQVE
 Damasus in Petri sede locatus erat.

Cum

*Cum Sanctum hoc Blasius desertæ cultor Eremitæ,
 Diue Tibi Antoni spontè dicauit opus .
 ANNO SVB TALI, dum Principe lætus utroque
 Per quartum Nonas Maias agebat iter .
 Id pius Antistes Donatus RITE sacrauit ,
 Vt pura hic Sanctus POSSET IN ÆDE COLI.*



BEATI IOANNIS

Patria, & Natales.

I I.

(nem,

Splendida præclarum terris datSena Ioan-
 Quæ Tuscas Vrbes nobilitate præit.
 Nec minus insignes sortitur in Vrbe Parêtes,
 Illustres armis, conspicuòsquè toga.
 Queis Maciareri ditio per sæcula nomen,
 Aeternùmque dedit postera Fama decus.

HYPOMNEMA.

MAciaretum Castrum est, olim CHISIORVM
 ditioni subiectum, vbi CHISII inhabitare
 consueverant, vt & cæteri nobilitate pares in
 Castris suis, antequam in potentioris Reip. for-
 mam Senas sese redigerent; cui etiam dominio,
 pleraque annexa fuisse Oppida, & Fanum postea
 Herculis adiunctum, populi illius annales te-
 stantur. Nec solum Castris potentes extitere,
 sed etiam domi, forisque illustres, & quod no-
 biliori elogio dignum, Summis Ecclesiæ Hie-
 rarchis semper inter paucos cari, ac præcipuè
 Iulio II. eique quàm *Sigismundus Chisius* in pre-
 tio

19

tio fuerit, ex adiecto eius monumento, quod
Romæ extat in CHISIORVM Sacello ad Tem-
plum S. Mariæ de Populo, liquido videre est.

Sigismundo Chisio,

Equo Com.

A Iulio II. P. M. in Gentem

Roueream cooptato,

Marius, & Augustus Chisij,

Proauo B.M.Ob. anno D.CIDIDXXVI.

Hic in medium proferrem *Augustinum Chisium*
Sacelli Fundatorem, ac de eius animo verè Ba-
silico dicerem, ni eiusdem inscriptio ibidem
posteris id commendaret.

Augustino Chisio,

Senensi,

Viro illustri,

Atque magnifico,

Sacelli huius fundatori,

Qui obiit, anno Domini CIDIDXX.

Hanc itidem priùs *Augustini Chisij* munificam, ac
summam animi liberalitatem præclare Scaliger
(vbi Heroes collaudat) posteris adiecto Elogio
commendat.

Priuatus Reges superat; spes præuenit omnes

Quæque facit Populus; maxima vota Dei.

Hunc magnum, ast vnum fecit fortuna petentem

Hic omnes, etiam qui bona nulla petunt.

Scribens deficio, dando non deficit. Vnum

Hoc sat habet; si se scit retinere sibi,

Supra sepulchralem lapidem ante eiusdem Sacelli
 aram notatur annus hoc ab Alex. VII. non vul-
 gari, sed Christiano dignissimo Elogio; *Mors*
ad Cælos Iter. Ad quod alludens, & ad BEA-
 TVM IOANNEM CHISIVM, de eius affi-
 dua in mortem meditatione, in qua & trophœi
 loco cranium manibus gestantem publicis in-
 picturis delineant, adiectum distichon scripsi.

Hic mortem meditans mortales exuit artus.

AD Cælos Chisio Mors patefecit Iter.

Mitto cæteros CHISIORVM Heroes hic recense-
 re, quia Lybicas esset arenas enumerare.



ADOLESCENS PAVLO vixit liberius .



III.

Caelesti Chifius fuerat nutritus amore ,
 Hauferat & mollis dogmata culta Puer.
 Creuit amor tamē in vitio crescētibus annis ,
 Monstrata ad culpas orbita sponte trahit.
 Vtque vna aspecta liuorem ducit ab vna ,
 Sic iste exempli ducitur arte mali .

H Y P O M N E M A .

B. IOANNES in primo illo , & praecepiti
 Adolescentiæ æstu per impudicos saltationū
 ludos , & Gaditanas plusquam mimorum ne-
 quitias , quas tanti fecerat insana vetustas , ac
 professa est quæ nil profectō , nisi puram , cer-
 tamque morum corruptelam inducunt , paulō
 abreptus est . Nec sibi forsan dixisse putauerat
 quod & cæteris adolescentibus ad benē , sanctē-
 que viuendum S. Hieronymus *Epist. de Instit.*
fil. praeceperat , vbi sic : *Nihil Adolescens ,*
aliud discat audire , vel loqui , nisi quod perti-
net ad timorem Domini , turpia non intelligat ,

*cantica mundana ignoret , adhuc tenera lingua
 Psalmis dulcibus imbuatur . Procul sit lasciuia
 puerorum puella , & pedisseque ab eorum con-
 sortijs arceantur . Venationibus , & aucupijs
 præcipuè totus erat , neque alia posita prætex-
 ta videntur illi curæ fuisse , promiscuum nobi-
 litatis lenocinium , quæ adeò in hisce illecebris
 vitæ spatium traducit , vt malit in agris , & syl-
 uis agere , quàm vrbanis assuescere studijs , &
 philosophantem suis de Ideis Academicorum ,
 Principem , Colophonium Vatem suam acci-
 nentem Iliada , Tullium ad rostra orantem , Cæ-
 sarem denique de vtroque Solis cardine Romæ
 triumphantem , venantes potius sectari gau-
 deret .*



EIVSDEM MIRABILIS ad Religionem conuersio.

I V.

(tum,

CVM sensit supero Chisius se flamine mo-
Deserit impuras corde gemente faces .
Secretàmque petens Vallisasprensis Eremũ ,
Nigra Augustinì corpora veste tegit .
Hìc rigidam ducens diuturno tempore vitam,
Horrentes spinas credidit esse rosas .

H Y P O M N E M A .

Mirabilis autem BEATI huius ad Religionem
conuersio decimo octauo ætatis suæ anno
accidit , Domini millesimo trecentesimo deci-
mo octauo, qua tempestate bono , rectoque Ge-
nio duce ad Sancti Antonij Vallisasprensis Ere-
mum Patrum Augustinianorum CHISIÆ ditio-
ni subditam , sancto fratrum excitatus exemplo
se contulit , à quibus ad Religionem exceptus ,
religiosam vitam , (Anachoretarum rigoribus
non absimilem) assumpsit , traduxit , consuma-
uitque , De hac admirabili B. Ioannis vocatio-

B 4

ne

ne, quæ bono Genio duce, & comite ad præ-
nominatam S. Antonij Vallisasprensis Ereum
se contulit, adiecta carmina scripsit quidam
Anonymus Poeta.

*I, quo Te melior Genius vocat, i pede fausto ,
Sentes, quos horres, experiere rosas.*

*Et dices, quod in hac quisquis spatatur Erema
Nil nisi mella bibit, nil nisi nectar edit.*

De hac itidem admirabili B. IOANNIS CHISII
ad Religionem vocatione à Patribus nostri Cō-
uentus Colonia Agrippinæ subiecta carmina
etiam habes.

*I, quod Te ducit Custos, namserta rosarum,
Si Mundi spinas deseris, astra dabunt.*

*Nec sterilem metuas callem, quia Numen Eremitæ
Cuius in fruges, nunc quoque Manna pluit.*



GRAVISSIMIS TENTATIONIBVS

Dæmones B. Ioannem multoties
adorti sunt.

V.

(lutans,

Chisius in spinis humeros,pectusque vo-
Idaliæ risit bella nefanda Deæ.

Sic fregit victor tumidæ certamina carnis ,

Saxea de molli corpore membra probans .

Si Magno fruitur Benedicto Nursia Patre ,

Possidet huic Chisium splendida Sena pa-

(rem.

H Y P O M N E M A .

DE Sancto Benedicto Nursino Patre se nudum,
inter veprea volutante , vt turpes vinceret
appetitus , vide latius in eius Vita ; quos non-
minus fortiter extinxit , ac generosè oppressit
B. IOANNES CHISIVS , corpus ea
inter volutando , dum immunditiæ spiritu se
à Dæmone tentatum fenserat , sicquè hostem
sibi iugulum dare coegit , atque ab omni telo ,
& flamma cupidinis liber , & victor extitit ;
Trophœum hoc mirandum etiam adiecto car-
mine

mine æternitati adscripserunt Patres Conuentus
nostri Colonix Agrippinx sub quadam eius-
dem B. Imagine Antuerpiæ ære incisa , vbi
sic .

*Chisius, infames vrunt cùm pectora flammæ ,
Et pectus spinas , & latus inter agit .
Nempè Venus mollis negat hac certare palæstra,
Et viso simili turpiter Hoste fugit .*

Quare dubitandum non est , quòd patrato de sty-
gio Hoste triumpho B. Ioannes magnas non
sibi in Cœlo comparauerit adoras ; *Profectus*
enim noster , vt optimè testatur Augustinus super
Psalmum , *per tentationes fit , nec sibi quisquam*
innotescit , nisi tentatus , nec potest coronari , nisi
vicerit , nec potest vincere , nisi certauerit , nec po-
test certare , nisi inimicum , & tentationes habuerit .
Porro de Sancto Benedicto se nudum inter vtri-
cas volutante , cui similem B. IOANNES
se præstitit , adiectum Epigramma addere par
erat .

Nursinus Veneris casto sub pectore flammam
Senferat , & diro membra calere foco .
Abicit extemplò pullas è corpore vestes ,
Et spinis pronus membra pudica domat .
Flamma potès fuerit quamuis , ad sanguinis undam ,
Innocui fugiens victa repente sletit .

- Secus verò *Sanctus Bernardus* tanti Patris in monachali instituto præcipuus afflecla, & *Sanctus Franciscus de Assis*. Funigerorum institutor clarissimus; qui à turpi Cupidine itidem impulsus, ut æstuentes eius opprimerent appetitus, ille in gelidum se flumen immerisit, iste verò in horto media hyeme in niuë se proiecit. Hic, quia pagella locum præstat, etiam addere visum fuit subiecta carmina, quæ de præclaro eiusdem certaminis trophæo, patrato de stygio Hoste à B. Ioanne, se fortiter inter spinas volutando, prænominati Patres nostri Conuentus Colonix Agrippinæ sub alia eius Imagine ære itidem insculpta egregiè scripsere, ubi sic:

*Chistus impuro Veneris dum carpitur igne,
 Spinarum iaculis munit utrumque latus.
 Sic potuit dumis extinguere Damonis æstus,
 Nam medijs arsit vepribus ipse Deus.*



SENIS LOCATUR, VBI PLVRIMA
perfectionis Religioſæ ſigna exhibet.

V I.

(mum

PRæſulis imperio Ilicetanam linquit Ere-
Et patrij repetit teſta ſuperba ſoli .
Hic ſanctam claris vitam virtutibus ornat ,
Et gelida recubans corpora vexat humo .
Vilia dùmque ſui Conuentus munia obiuit,
Senenſi meruit maius in Vrbe decus .

H Y P O M N E M A.

EA animi alacritate , ac promptitudine B. IO-
ANNES vilia Conuentus munia , cùm à Su-
periorum imperio iniungerentur, obiuit, vt po-
tiori iure, quàm *Philosophus* ille exclamare poſ-
ſet : *Semper magis volo quod Deus vult , quàm*
quod ego . Adiungar , & adherendo illi velut Mi-
nister, & aſſecta, cum illo appeto, cum illo deſidero,
& ſimpliciter, atque vno verbo ; quod Deus vult ,
volo . Quod autem Deus vult per Superiores
iubet , mandatque : hinc B. IOANNES ; quod
Superiores volunt, volo iterabat, idquè ſine ter-
giuerſatione ſubire, & ſine murmuratione adim-
plere enixè ſtudebat . Sed hac non tantum vir-
tute

tute effulſit , verùm etiam & alijs innumeris , quibus ceu gemmis prætextam ſuam ornauit , Senis dum ageret in noſtro Auguſt. Aſceterio ; præſertim ferijs ieiunalibus, præter cibarium panem, & fontanam, nihil aſſumebat; alijs, cibum parabilem, atque obuium ; eiſquè aſſiduas addebat preces, quas in Capitulo , cùm cellam , tum ob loci tenuitatem, cùm ob eiſdem ædificationem, non haberet , aſſatim effundebat ; nullum ibidem erat molle periſtroma , aut decubitorius lectus; tenerum durus lapis fulciebat caput , inuiolata ſemper caſtitatis puluinar , ſed tantùm nudum ſcamnum, quo deſuper attritò , laceroque habitu coopertus , recumbebat ; grauis autem hæc ei pœna voluptas erat . Extra Aſceterij ſepta nunquam viſus eſt , niſi per vicos cū mantica curſitaret , & oſtiatim eleemoſynariam ſtipem quæreret, colligerètque , quo in mendicitatis officio, nedum Vir nobilis , & in diuitiarũ affluentia enutritus, non erubuit , ſed quod magis mirare , religioſæ vitæ exempla præ ſe tulit.



30
B. IOANNES AD DEVM
extremè indigens confugit.

V I I.

I Ndiga cùm Senis Chisfũ vexaret egestas ,
Deuoto Cœli corde requirit opem. (set,
Aptius haud poterat cui vota, precèsq; dedis-
Ni per quem currunt astra, fretumq; Deo?
Qui cunctas nutrit, pascitq; per æthera Cœli,
(Nulla licet detur cura salutis) Aues ,

H Y P O M N E M A.

A Lludit ad illa verba Christi Domini Matt. c. 6.
*Respicite volatilia Cœli, quoniam non serunt ,
neque metunt , neque congregant in horrea, & Pa-
ter vester cœlestis pascit illa; ad quem non imme-
ritò in sua egestate / confugiens B. IOANNES*
summis precibus diuinam opem implorabat , vt
propriæ succurreret indigētīæ , à quo voti cōm-
pos factus, mirum, & amplum in se diuinæ pro-
videntiæ sensit beneficium; cuius ad Deum hæc
vna frequens erat Oratio, *Domine Deus supplex,*
& ex animo primum à Te peto, vt flagitia, & quæ
aliàs impiè admisi, mihi benignè remittas ; dein , si
quid vel nimis confidenter , vel minus debitè tuam
fortè venio hic maiestatem hodie rogaturus, vt te-
meri-

meritatis istius me absolvas, neque id, quidquid erit; pro postulato habeas, qui ne vitrea fracta mihi donata cupio, quæ Tibi grata, acceptaquæ non sint. Quid diceres? Nec Gregorius feruentius, nec Ambrosius doctius, nec Augustinus profundius, nec Hieronymus humilior, nec Bernardus dulcius, ad Deum suas effunderet preces. Quid mirum, si Cælum in qualibet naturæ indigentia, sibi auritum redderet, & in se diuinas sæpè degustaret suppetias? Et recentiori ævo S. Caietanus Thiençus Ord. Cler. Reg. Fundator illustris, nuper quæ meritissimè à Clem. X. P. M. Sanctorum fastis adscriptus, non secus, ac B. IOANNES in sua egestate ad Deum confugiens, & se totū diuinæ Prouidentię commendans, non minora ab eadem in se beneficia degustauit; quam sibi, & suis etiam Alumnis maximi, & sanctissimi Parentis exemplo, & præcepto, non humanæ, sed diuinæ soli Prouidentię piè admodum inhærentibus, nunquam defuisse, aliquando miracula, comprobarunt, vt videre est apud Patrem Iosephum Silos Bituntinum in *Histor. Cler. Reg. p. 1. lib. 7. pag. 270.* ab eo exarata, & Romæ Typis Vitalis Mascardi edita Anno Iubilei 1650.



HABITVM A DEO miraculosè impetrat.

VIII.

(nem
Adspexit Christus lacera cum veste Ioan-
 Hibernumq; pati mollia membra gelu.
 Adstitit extemplò ignotus sub imagine; terq;
 Largitur nummos, vt sibi tegmen emat.
 Martini veterem Christus de corpore vestem,
 A Christo Chisius iactat habere nouam.

HYPOMNEMA.

HAnc historiam vide latius in vita S. Martini ;
 Vbi Christum habes ei dicentem; *Martinus*
cathecumenus hac me veste contextit. Non secus
 B. IOANNES tribus aureis miraculosè acceptis,
 quibus habitum sibi coemerat, eadem ferè ver-
 ba, quæ Christus in Martinum, in Christum ite-
 rare poterat; *Christus hac me nudum veste conte-*
xit; Id autem B. IOANNI, co orante, & ha-
 bitum à Deo efflagitante, accidit, quem siue
 propter temporum asperitatem, siue propter
 extremas Asceterij sui angustias, haud firmè
 alio pacto putabat, se in eo rerum cardine ob-
 ten-

renturum; at Deus, qui usque, & usque suorum curam gerit, precibus sui famuli libenter, & benignè annuit, quem simul, ut adiuit, his verbis affatus est; *Hos paucos nummos Frater, pro illius, quem colis amore, in tuum usum, ac necessitatem à me quæso lubens, volensque iam nunc accipe;* quibus vix prolatis, festino confestim pede, ab eo recessit; statimque B. Vir producto nummo sibi ab eo donato, acceptaque à Priore benedictione, Ordinis habitum, cuius mirum in modum egebat, acturum sibi comparavit. Magnum, ac rarum divinæ Providentiæ argumentum; sicut de ea benè spectantis singulare Religiosissimi Viri testimonium, quod accidisse fertur Senis anno circiter 1332.



34
TICINVM A GVILELMO
Cremonensi Priore Generali mittitur .

IX.

(lelmus,
Perspecta in Chisio vitæ integritate Gui-
Ticinum propero mandat adire pede ;
Haud equidem sine mente reor, sine numine
Dium ,
Iussa illic Patribus, nàm mage stricta dedit.
Si Cœli aurati , Augustino dicitur illic
Aedes, à Chisio gloria tanta venit .

HYPOMNEMA .

SAcra nostra Augustini Ædes Ticini , ubi tanti
Patris exuuiæ Religioso cultu asseruantur , *de*
Cælo aureo vocitatur, quod omnibus planè liquet;
ad quam B. IOANNES à summo totius Ordinis
Antistite transmissus , nè illic Religiosi , à reli-
giosa viuendi orbita minimè deflecterent , adeò
suis, & pietatis, & virtutum exemplis confirma-
uit , vt ad primæuam , & rigidiorẽ à Sancto
nostro Ascetarcha datam viuendi normam pe-
nitus reduceret .

DIVINITVS DVORVM

Martyrum sepulchrum agnoscit .

X.

EXuias Diuū, venerandaq; busta requirēs,
 Inuenit Chisius contumulata solo .
 Arcanū hoc magnū (Cœlo monstrāte) retextit,
 Namq; Deo mente, & corpore totus erat.
 Magnus honor, nam sic detecta cadauera
 quondam,
 Martyrio, Ambrosius, functa, colēda dedit;

HYPOMNEMA.

Martyrum nomina sunt *Vitalis*, & *Agricola*;
 quorum corpora diū latentia à S. Ambrosio
 Dei monitu fuerunt inuenta, vt à Populo Chri-
 stiano deinceps iusto in pretio, & veneratione
 haberētur, nec minus corpora Sanctōrum Mar-
 tyrum *Gervasij*, & *Protasij* eidem Sanctissimo
 Viro, Deoque gratissimo Ambrosio Mediolanī
 cēlitus fuere detecta, de quo latius vide in Vita
 eorundem; quæ pluribus recensere non huius
 est loci. Martyrum verò nomina, quorum cor-
 pora à B. IOANNE CHISIO Ticini in ædibus

nostris August. repertâ esse perhibentur, sunt *Marcus, & Robustianus* Fratres, quæ in Gentilitio *Fiambertæ* familiæ facello digno cultu asseruantur, & cum nulla habeatur de his certa memoria, nisi traditio, ea esse à nostro B. IOANNE CHISIO inuenta, creditur, hunc ei Thesaurum *Deipara* Virgine demonstrante, cuius ille viuens apprimè deuotus, quam in Virginem deuotionem in posteram CHISIORVM gentem miro transmisit incremento. Verum, quo tempore hæc Sanctorum Martyrum *Marci, & Robustiani* Lipsana à B. Io. Chisio Ticini reperta fuerint nihil certum habetur, probabile tamen accidisse censetur Rep. sal. anno 1357 ita Patres Conuentus nostri *Coloniæ Agrippinæ*, & cæteri omnes, qui huius nostri Beati Vitam scripserunt,



SENAS REVERTITVR,
vbi humilitatis studium ab initio
Professionis incæptum, ma-
gis excoluit.

XI.

(ta
EXpleta in claustris Chisus trieteride sex-
Ticini, patrios optat adire lares.
Hic magis effulsit vitæ splendore nitentis,
Et mage deuoti spiritus arsit amor.
Maiorum iussis nunquam aduersatus, vt esset,
Qui fuerat tota maior in Vrbe, minor.

HYPOMNEMA.

ALludit ad illud Christi Domini Matt. cap. 20.
ad Discipulos dicentis; *Quicumque voluerit*
inter vos maior fieri, sit vester Minister, & qui
voluerit inter vos primus esse, erit vester ser-
uus, cui B. sententiæ se firmiter adscribens il-
lustres Maiorum imagines, & præclaros gene-
ris titulos, facile contempsit, calcavitquæ, &
de tumidis spiritibus, & mundi illecebris, Se-
nas præsertim, relicto Ticino, reuersus, Pá-

triæ meritò deuinctus amore, quæ cunctos ad
sui desiderium impellit, iuxta illud Ouidianum
de Tristib. lib. 3.

Nescio, qua natale solum dulcedine cunctos

Ducit, & immemores non sinit esse sui.

gloriosissimum per reliquum vitæ stadium egit
triumphum. Est dictu impossibile, quo animi
studio hic Dei seruus omnes ibidem virtutes sit
amplexus, maximè humilitatem, quæ tamquam
Hesperus, aut Lucifer inter sidera, sic inter re-
liquas virtutes præcipuè effulget, vt præclarè de
ea dixerit Seraphicus ille Bernardinus Senensis,
Serm. 16. Humilitas est Magnes, quæ ad se attrahit
cunctas virtutes; Quæ virtute duce, & comite
cuius amantissimus extitit B. Io. Chisius vsque
ad ultimam vitæ suæ meram celebris in Patria
effulsit.



39

ARDENTEM QVOQVE
charitatem erga infirmos ostendit .

XII.

CHisus vrbani morbo patientibus ægris,
Quos sæpe inuisit dulce leuamen erat .
Mens generosa malos nunquã fastidit odores,
Immundos nunquam nauseat illa situs .
Quid mirum tanto Chisus si feruet amore ,
Si Christo fuerat corpore gratus odor ?

HYPOMNEMA.

Alludit ad illud D. Pauli 2. Cor. 2. d. 8. vbi sic
habet ; *Christi bonus odor sumus ; Quo factum
est, vt B. IOANNES CHISIVS neque nauseam
propter immunditias vllam, neque auersionem
propter ægrotantiũ asperitatem, quos frequen-
ter inuisebat, pateretur ; cumquẽ tam sanctum,
piumquẽ misericordiæ ministerium exerceret,
sibi verẽ à Spiritu sancto dictum fuisse arbitra-
tur, Prouerb. cap 3. vbi sic Misericordia, & veri-
tas te non deserant . Circunda eas gutturi tuo , &
describe in tabulis cordis tui , inuenies gratiam , &
disciplinam bonam coram Deo, & hominibus ; Idquẽ
tam prompto, tamquẽ alacri animo in infirmo-
rum necessitatibus adimpleuit, vt nulli secundus
non immeritò extiterit .*

CONTEMPLATIONI FVIT

summè deditus , & profundus in
rebus diuinis .

XIII.

(tes,

Vix benè Palladias Chisius libauerat ar-
Vix benè Palladios nouerat ille lares.
Scripturæ tamèn arcana, & mysteria pandit,
Et quæ non didicit se didicisse probat.
Vnde putas tot doctrinæ manasse liquores ?
Fontibus æternis; non aliunde fluunt .

HYPOMNEMA.

ET si B. adolescens iste scholas , adeò non fre-
quentarat, in prouentiori tamen æuo litteris
imbui poterat , vt de S. IGNATIO LOYOLA
SOC. IESV INSTITVTORE CLARISSIMO
contigisse eius meminit Vita , & sic de alijs pas-
sim legitur, idquè B. nostri computa Ticini nu-
per reperta, & propria manu exarata , dum Sa-
cristæ officio , & alijs Conuentus munijs finge-
retur , testantur, hinc iure Sui illum in litteris
versatum animaduertentes ad Sacerdotium pro-
mouendum optarunt , & sic Passionem legens
obiit. Porro cùm de S. Ignatio Illustrissimo
Soc.

Soc. IESV Institutore digna facta fuerit mentio,
in eiusdem sancti Vita idipsum pridem me le-
gisse memini, quod sicut B. IOANNEs spinas
inter nudum se volutauit, vt ardentes Veneris
faces extingueret, sic ille in gelidum se nudum
immerisit lacum, vt Iuuenem à nefandis eiusdem
Veneris spiculis compulsum liberaret; verùm
tam rarum, & eximium Ignatianum in proxi-
mum amorem, adiecto carmine meam subit
mentem expressisse.

igneus hic oritur, superòque Ignatius igne

Pascitur, & media ferbuit ignis aqua.

Testis erat Iuuenis, quem dū Venus improba vexat,

In rigido turpi seruat ab igne lacu.

Maiora in terris vidit portenta quis vnquam?

In media victrix flamma triumphat aqua.

Vnda dedit Paphie Vitam, nunc abstulit illam;

Quæ fluxit Genitrix vnda, nouerca fuit.



QVATVOR IN B. IOANNE

Chisio virtutes, præ alijs val-
dè admirandæ exti-
terunt.

X I V.

(tur,
F Lumine quadruplici Paradisi prata rigā-
Quæ decorāt vndis Orbis vtrāq; plagā.
Sic & quadruplici Chisius virtute refulget,
Quadruplici Sanctus fonte rigatur amor,
Miraris tanta virtutum mole nitentem,
In terris totus, qui Paradisus erat?

H Y P O M N E M A.

I Nnuit ad illud Gen. cap. 1. *Et fluuius egredie-
batur ad irrigandum Paradisum, qui inde diuidi-
tur in quatuor capita; quorum symbolo quatuor
B. IOANNIS virtutes celebrantur, pacien-
tia scilicet, abstinencia, humilitas, & pauper-
tas, quibus viuens maximè excelluit, & ad mi-
raculum vsque emicuit; de patientia quid cla-
rius? Multoties enim ad quamlibet aduersan-
tis fortunæ faciem immoto, & inexpugnabili
semper animo restitit; ea inclaruit abstinencia,*

vt corpus assidujs vigilijs, ieiunijs, ac laboribus in seruitutem spiritus redigeret; humilitatis adeò vixit amantissimus, vt deiectione Conuentus munia à Superioribus iniuncta, prompto, & alacri semper, capefferet animo; paupertatis denique tam studiosus cultor extitit, vt eam sibi perpetuò, quasi germanam associarit, solamquè per totum vitæ cursum in delitijs contubernalem habuerit. Verè in se expertus dictum Damiani *Serm. 2. Pauper dum terrenis eget impendijs, Angelicis fulcitur obsequijs*; cuius causa, vt magis, magisque in sua paupertate diues esset, nihil vnquam ab aliquo pro se postulauit, neque à Parentibus diuitijs affluentibus, nisi pro Monasterio, & suis Conuotis.



ALIA ETIAM VIRTUTE

B. Ioannes eluxit , vt nihil in eo
reprehensibile fuerit re-
pertum .

X V.

(vivat,

Quamuis nec Sapiens ullus sine crimine
Inque die Iustus terquè, quaterq; cadat.
Immortalis honos, & diues Fama paratur ,
Quod Chisij, crimen nec leue, cādor habet.
Vir simplex verè, ac rectus celebrandus vbiq;
Post Iob viderunt sæcula nulla parem .

H Y P O M N E M A.

Alludit ad duo sacræ Scripturæ loca , primo
ad illud Prouerb. cap. 24. vbi dicitur , *Septies
in die cadit iustus : secundo ad illud Iob. cap. 1.
de quo sic habes : Vir erat in terra Hus no-
mine Iob , & erat vir ille simplex , & rectus ,
ac timens Deum , & recedens à malo .* A primo
isto sacræ Scripturæ loco longè distat **BEA-
TVS IOANNES CHISIVS** , vitam
enim adeò duxit incorruptam , & ab omni vi-
tiorum fuligine puram , & liberam , vt quam-
uis

nis natura ad vetitum prona sit, impellatque, ut septies in die cadat iustus, ipse tamen citrà verissimùm Sapientis effatum, firmiùs semper, & constans extitit, ut meritò nullum, post Iob ei similem fuissè, verear affirmare, sicquè aptè illi conuenit alter scripturæ locus, quo Deus Iob virum simplicem, rectum, timentem Deum, & à malo recedentem celebrauit. Vndè affabrè de B. Ioanne modò quis diceret, sicut & Deus de seruo suo Iob; *Vir simplex, & rectus, ac timens Deum, & recedens ab omni malo*, cùm vnquam post susceptum Religionis habitum, siue in rebus, siue in verbis in eo minima res visa sit reprehensione digna.



B. IOANNES TOT VIRTVTIBVS
 insignitus adduci non potuit , vt
 sacerdotio initiaretur .

X V I.

TAm sancta Chisij torrētur pectora flāma;
 Et pia tam Sāctus corda tenebat amor.
 Hinc meritò illustres instant suadere Parētes,
 Vt velit Ordinibus se decorare sacris .
 Respuit ille tamen sacros infractus honores ,
 Assisij, vt Sanctus fecerat ante Pater .

H Y P O M N E M A.

Sanctus Franciscus Assis. sacris initiari Ordini-
 bus, insigni mentis humilitate motus recusauit,
 quod & quam plures alij illius Eremitae Patres
 conspicui cultores eadem moti virtute apprimè
 complerunt, quos inter *B. Augustinus*, cognomen-
 to *Nonellus*, Manfredi Siciliae Regi à con-
 silijs, trium Summorum Pontificum Sacellis, ac
 supremus vniuerso Praefectus Ordini, non nisi
 ex obedientia Sacerdos initiatus, emicat; nec
 minus *B. Christophorus Landuccius*, tanto verè
Pij II. dignus Elogio, quo illum aeternitati cō-
 men-

mendauit. *Putamus huius fratris animam esse sanctam*. Ad quod, & ad tanti B. nomen alludens adiectum carmen me accinuisse memini ;

Vix bene Christophorus vitales exit in auras ,

Illius, & cunis Christus adesse cupit .

Adfuit , & syluis præsens, quas latus adiuit ,

Vt sic Christophorus nomine, requè foret .

Quid mirum , tanto vita fulgore nitentem

Viderit, & Sanctum dixerit esse PIVS ?

His non absimilis effulsit B. Io. Chisius, qui à multis rogatus, & à suis præcipuè, vt Sacerdotio initiaretur , assiduas eorum preces summa animi demissione semper refellit, aiens , se, dignum non esse ad tremenda ministeria euchi , & ad diuini numinis consortium traduci ,



OB EIVS EXIMIAS VIRTUTES

cura Ecclesiæ vbicumque habitauit,
semper fuit illi demandata.

X V I I.

(cura est,

TEmpli quàm meritò Chisi Tibi credita
Si Templum feruens intus amoris eras;
Hanc spartā ornarūt illustres nomine quondā,
Illius curam, cū tenuere Patres.

Non minùs ornaſti, tantū cū munus obires,
Vnde Tibi longum Tempła dedere decus.

H Y P O M N E M A.

Patres, quibus olim Ecclesiæ cura, & rerum sacrarum custodia fuit demandata, fuere *Cyprianus, Abundius, Theodorus, Acontius, Constantius, Aegidius*, & passim quamplures alij, quos inter **B. IOANNES** non secundus emicat, qui sacro huic ministerio; ceū alicui titulari genio à Superioribus addictus, ita munus adimpleuit; vt nihilum in eiusmodi ædilis officij administratione, neque incuriæ, neque negligentia, neque alterius reprehensionis dignum, vllō vnquam tempore commiserit.

COE-

COE REM ON I A R V M

in Missæ sacrificio diligens
inspector.

X V I I I.

(stas,

C Vm fuerat Chisio Templi cōmissa pote-
In sacro Templi munere totus erat.
Nec minus attendit deuota mente; Sacerdos,
Ne quis ab officijs excidat vsque suis.
Dūq; sacris adstat studiosus in Aede Minister,
Angelus ad munus confidet Angelicum.

H Y P O M N E M A.

T Anta B. IOANNES CHISIUS ani-
mi attētiōe, ac deuotione rebus sacris ope-
ram nauabat, & Angelico incumbibat ministe-
rio, vt Angelus alter videretur; adstantiumquē
in se mirabundos omnium conuerteret oculos,
& ad eius exemplum ad firmam pietatis virtutū,
& Dominicæ passionis contemplationem, quam
ipse tantā mentis attentione meditabatur, miro,
& facili modō excitarentur. Ab eoque inter cæ-
tera virtutum semina, tantam in Dominicæ Pas-
sionis pietatem, felici, & naturali quodam, vt
ita dicam, traduce in D. ANGELAM CHISIAM
D eius

eius Neptem, ac nostri Ordinis Sanctimoniali & ornamentum transfusam esse, minimè ausim affirmare, cui tam studiosi fuit animi, ut ad Crucifixi imaginem, nedum assiduas effunderet preces, verum etiam, & vberimos lachrymarum riuos, de quo infra à me delineatum habes distichon.

*Poplitibus flexis Christum, dum Chisia adorat,
Angelicum dicas, Angela complet opus.*

Quam etiam pietatem in cæteras Ordinis nostri sanctimoniales emanasse affirmare, non vereor, quòd si mihi animo insideret lumen, quòd aiunt, ostendere in meridie, proferrem in medium. B. Claram de Monte Falchio, adeò Dominicæ deuoræ Passionis, ut post felicem obitum eius in corde singula Passionis mysteria impressa visâ fuerint, nec minus B. Ritam de Cassia, quæ tanto in Dominicæ Passionis ferbuit amore, ut ab eo enixè peteret, ut aliquem sibi ex suis cruciatibus communicaret dolorem, cui ille spinam vnâ ex corona detractam in eius frontem inmisit; neque hic silentio prætermittendum censeo B. Christinam de Vice Comitibus, ex nobilissimo Mediolanensium Ducum stemmate oriundam, cuius amor tantus fuit in Dominicæ Passionis cruciatibus, ut in eius memoriam felle amarissimo, sextis, quibusquæ feriis se cibari voverit, de quo adiunctum carmen à me conscriptum habes.

Dum

*Dum Christina Tui meditaris funera Christi ;
 Vltimaquè innocuæ prælia dira necis .
 Bina Tibi in largos soluuntur lumina fletus ,
 Crudaquè deuoto gutture fella bibis .
 Hæc non fella equidem, sed dulcia mella fuere ,
 Quid mirum ? Christi dulcia fecit amor.*

Quid ultra verbis opus? Cùm nō minori animi studio in Dominicæ Passionis vulneribus exarsisse relegas S. Theresiam Virginem integerrimam, & Disc. Ord. Carm. Institutricem clarissimam, tamquè feruidum Virginis amorem, non aliundè, nisi ex nostris sanctimonialibus, quibus cum Abulæ in tenella ætate, & rudioribus annis vixerat, & sanctis moribus informata fuerat, traduxisse credendum est; nec mirum postea, si toto vitæ decursu Sanctissimum nostrum Ascetarcham impensè admodum coluerit, opem, precesquè eius assiduè efflagitauerit, ac summo in honore semper habuerit; porro de tam feruenti Virginis in Christum amore, quem frequentèr alloqui solebat, *Domine, aut pati, aut mori, adiectum carmen accinui,*

*Thesbite digna fuit soboles Theresia magnum;
 Magnis exemplis pænè secuta Patrem .
 Hunc tulit ignitis Auriga ad sidera bigis
 Igneus, & nitida duxit ad astra rota .
 Desuit hoc vnum Tibi, sed pro munere tanti
 Flammiferi currus munia supplet amor.*

SE NIS B. IOANNES CHISIUS

piè admodum ex hac vita inter amarulentos Christi Domini cruciatus decedit .

XIX.

CAelestis vitæ foribus iam proximus ibat,
Chisius, & certum posteritatis iter .

Aspera, tum Christi patientis symbola poscit,

Quæ lachrymās recolit,gestaq; amara necis.

Atque ait;hic meditor moriētis vulnera Vitæ

Vlterius vitam negligo , disco mori .

H Y P O M N E M A .

Senis B. IOANNES cū se vltimam vitæ scœnam clausurum sensisset , ex quo fatali morbo æger decumbebat , grabatulo surrexit , indutaquē sacra Ordinis prætexta, flexis confestim genibus , nudum super se proiecit humū, brachiisque feretro , quod ibidem, erat adnixus , profusis vndatim lachrymis, accito Missali, extremos Christi cruciatus secundum Lucam commemoratos, mente recoluit, legitquē, & in illis verbis,
In manus tuas Domine commendo spiritum meum
vlti-

ultimum, quem trahebat in Christo spiritum, tenero cordis affectu Christo commendatum tradidit; anno Reparatae salutis 1363. die vero 28. Octobris; quem non immerito deinceps mortis ob assiduam in vita meditationem, & pio corde recolentem trophæi loco cranium publicis in picturis illustrem expresserunt; de eodem felicissimo B. IOANNIS CHISII transitu ultimos inter Christi Domini cruciatus Patres Conventus nostri Coloniae Agrippinae sequens Elogium in quadam eius imagine ære typis edita scripserunt; vbi sic

Chisius, ut Phœnix, diuino tostus ab igne,

Cinnameas animam reddidit inter opes.

Nam Dei amara legens tormenta, absumitur astris,

Non poterat fato nobiliore mori.

Hoc itidem magnifico adiecto Elogio sub alia eiusdem B. Imagine ære incisa è Belgio ad Urbem transmissa, & Alexandro VII. fel. record. dicata Fr. Philippus Elich S.T. Profess. expressit,

B. IOANNES CHISIUS à Maciaretto Ordinis Eremitarum S. Augustini, vitæ sanctitima, & generis splendore clarissimus, assidua mortis meditatione, rerum humanarum contemptor, per cilicia, flagella, immanesque alias corporis castigationes patienti Christo confixus Cruci, humilitatis, patientia, obedientia viuum exemplar. Obyit Senis anno à Christo nato 1363. post sex menses ab obitu integer repertus.

D 3

Idque

Idquè etiam ad posteros transire voluit S. P. Q. S.
quando sub eiusdem B. Io. Icone ad viuum depi-
cta in Palatio Consistorij Senarum elegantissi-
mum hoc adiecit .

E L O G I V M .

*B. Ioanni Chisio Illicitano ,
Mirabili quoque morte post vitam ,
E grabato ad feretrum
Repente progresso
Abituro, non obituro ,
In manus Domini spiritum suum ,
Cum Domino magna voce commendatum ,
In Dominicæ Passionis mysteria emittenti .
Anno Dom. MCCCLXIII.
Iam Patritio , nunc Patrono
IOANNES CHISIUS Cap. Pop.
Et conscripti Domini Nou. & Dec. M.DC.LI.*



SEXTO AB HV MATIONE

menſe corpus B. Ioannis integrum,
& incorruptum fuit reper-
tum .

XX.

E Lapſo Chiſij viſuntur buſta ſemeſtri
Integra, queis ſancto ſpirat odore cinis.
Hinc Chiſiũ in Vita Sanctũ, & poſt fata futurũ,
Et ſancta illius oſſa, quis eſſe neget ?
Regius id clamat Vates ; corruptio nulla
Attinget Sanctum corpora ſancta Virũm .

H Y P O M N E M A .

A Lludit ad illud Dauid *Pſal. 15. Non dabis San-
ctum tuum videre corruptionem ; Sanctus pro-
fecto Beatus iſte : moribus adeo poſt inceptam,
vitam monaſticam incorruptus , vt ne dum pu-
rus eius ad cœlites ſpiritus euolarit, ſed & relictũ
ab eo corpus receptam prius fragrantiam largè,
latèque vniuerſis explicarit ; Phœnici, vt in vita,
ita & in morte ſimillimum; nam ſicut ille, teſte
Claudio in *Phenice* :*

*nec fruge, nec herbis
Sed thuris lacrymis , & ſucco viuit amomi ,*

D 4

Sic

Sic B. IOANNES propemodum neque pane, neque alio cibi genere, sed lacrymis feuerioribus pœnitentiæ, & diuinæ contemplationis succo vitam suam omnem sustinuit, eamque demum, sicut Phœnix inter casias, cinnamomum, & myrrham, ita inter fragrantissimos Dominicæ Passionis odores feliciter admodum consummauit, quos etiam sexto ab humatione mense, super Indorum, Syrorumquæ aromata, suauiores copiosè diffudit; ita Confratres, qui familiarius B. nostrum in vita obseruarant, & coluerant videndi desiderio corpus Beatissimi Confratris sui post sex menses sepulturæ traditum, ex illa eductum vegetū, & intactum, quàm suauissimos diffundens odores repererunt, quod postquam abundè contemplati sunt, denuò non sine gaudio, & lachrymis tumulo reddiderunt.



7

B R E V I A R I V M V I T Æ
nonnullorum Ord. Erem. S. P. Au-
gustini, qui Senis, alijsq; Ilicitanę
Congreg. locis sanctitate
floruerunt.

X X I.

Miraris tantum seriem per sæcula Patrū,
Quos sacræ florēs Illicis umbra dedit.
Nil mirū, hæc Ilex Cumano fulsit in agro
Aurea, quæ diues aurea mala tulit.
Auulsoquē vno Sanctus non deficit alter
Aureus, id longum sæcula nostra vident.

H Y P O M N E M A.

Meminit arboris illius aureæ, Cumano quon-
dam in agro aureos fœtus producentis, de
quibus Sibylla apud *Virg. 6. Aeneid.*

*Vno auulso non deficit alter
Aureus, & simili frondescit virga metallo.*

Cuius

Cuius ad iſtar Ilex noſtra Auguſtiniana Sanctiſſi-
 morum Virorum ſæcūda ſemper Parens aureos
 vndique protulit fœtus, nec à primo pietatis vn-
 quam ſeruoze deſtitit, à priſca enim illius pu-
 rioris æui tempeſtate nunquam Sancto aliquo
 Dei ſeruo caruiſſe creditur, adeò, vt *Vno auul-
 ſo, non deficit alter*; Quos inter non vltimus
 emicat B. Nicolaus Senenſis ex vetuſta, arque
 nobili Mareſcotorum familia, miraculorum
 gloria ſuo æuo ſingularis, ob idquè Thaumatur-
 gus nuncupatus. Qui hæc aliaque pluria Elogia
 de hoc celebri, ac mirabili Thaumaturgo ſcire
 auet, adeat, & legat eius Vitā ab Ambroſio Lan-
 duccio Epifcopo Porphyrien. Sac. Apoſt. Præfe-
 cto Italico Idiomate delineatā, à quo habes etiam
 noſtri B. Ioan. Vitam dignis Elogijs delineatam,
 quam Sereniſs. Coſmo Magno Etruriæ Principi
 dicatam voluit. Prætereà, qui tanti Beati Vitam
 quàm digniſſimè ſcripſerunt, fuere B. Philippus
 Agazzarius, anno poſt repar. ſalut. MCCCCXI.
 quam cū traderet diuinitūs monitus; *Lege, &
 Scribe*; Venerab. Bernardus Monaldus ambo Ili-
 cetanæ Sylvæ Cultores, primiquè ambo huius
 B. Vitæ Exceptores; item Marcellinus Alterius
 Senen. *Elogia M. S.* quæ ſenis aſſervantur in Bi-
 bliotheca Martiniana, Gregorius Fulginas tra-
 ctatu Italicè nuncupato, *Sacri Horrore Lecceta-
 ni*; Thomas de Herrera Hiſpanus, *In Alphabeto
 Auguſt. I. part. pag. 366.* Aloyſius Torellus Bono-
 nien.

nien. Cent. 3. pag. 246. qui omnes è familia Augustiniana grauissimi sunt Auctores . Exteri verò Ioannes Baptista Ferrarius Soc. Iesu Senensis , *In suis Elogijs Beatorum Senensium*, Isidorus Vuggerius Ord. Præd. in libro, cuius titulus est, *Pompe Senesi* , & alij quamplures , quibus denique vltimam imposuit coronidem Reuerendissimus P. Fr. Raimundus Capisuccus Sac. Pal. Apost. Magister , qui accepta eiusdem B. Vita à Patribus Conuentus nostri Coloniae Agrippinae scripta , & Typis Plantinianis edita 1641. & Alex. VII. dicata , dum ibi Nuntium Apost. ageret , ipsam denuò Romæ auxit, illustrauit, & accuratius prælo expressit, Illustris. & Excellentis. D. D. Mario Chisio eiusdem Alex. VII. germano fratri , quàm meritissimè dicatam ; iuxta cuius doctissimum oratorium calamum , pauca illa , quæ hucusque adeò de B. Ioanne Chisio, adiectis Hypomnematis, me accuratè delineasse, nihilquè fcrè, quod eam ad rem pertinere visum est, omisisse, fateor ; Quòd si fortassè iucunda minus, quàm par erat, quis opinetur , prodromum hoc opus esse sciat, quo plura, potioraque à polterioribus calamis , & à præstantioribus Apollineæ Artis cultoribus , tamquam ex vberiori Amalthææ cornu effundi non leue erit incitamentum . Faxint superi , vt eximia tantorum Patrum in Beatum Ioannem Chisium præconia illum aliquando Sanctæ Sedis Apostolicæ decreto,

creto, *Beati* titulo, quo à trecentis pænè annis doctis illorum calamis, Populorum veneratione, ac publicis picturis indigitatur, ac præcipuè in peristilio Ecclesiæ Illicitanæ, meritò decorent, & illustrent. Cæterum quidquid in hac B. Ioannis Chisij Vita, refero & in omnibus alijs *Beati* titulo indigitatis me subijcio, vt in Protestatione sequenti, quam Lectori beneuolo exhibeo.



Protestatio Auctoris.

Cum Sanctissimus D. N. V R B A N V S Papa VIII. die 13, Martij anno 1625. in Sac. Congregatione S. R. & Vniuersalis Inquisitionis Decretum ediderit, idemque confirmauerit die 5. Iulij anno 1634. quo inhiuit imprimi libros hominum, qui sanctitate, seu Martyrij fama celebres & vitam migrauerunt, gesta, miracula, vel reuelatione, seu quaecunque beneficia, tanquam eorum intercessionibus à Deo accepta continentes sine recognitione, atque approbatione Ordinarij, & quæ hætenus sine ea impressa sunt, nullo modo vult censi approbata. Idem autem Sanctissimus 5. die Iunij 1631. ita explicauerit, ut nimirum non admittantur Elogia Sancti, vel Beati absolute, & quæ cadunt super personam, bene tamen ea, quæ cadunt supra mores, & opinionem, cum protestatione in principio, quod ijs nulla adsit auctoritas ab Ecclesia Romana, sed fides tantum sit penes Auctorem. Huic Decreto, eiusque confirmationi, & declarationi, obseruantia, & reuerentia, qua par est, insistendo, profiteor me haud alio sensu quicquid in hoc libro refero, accipere, aut accipi ab ullo velle, quam quo ea solent, quæ humana dumtaxat auctoritate, non autem diuina Catholica Romana Ecclesie, aut Sanctæ Sedis Apostolicæ nituntur, ijs tantummodo exceptis, quos eadem Sancta Sedes Sanctorum, Beatorum, aut Martyrum Catalogo adscripsit.

D· A N G E L A E
C H I S I A E
S E N E N S I S

SANCTIMONIALIS ORD. EREM.

S. P. A V G V S T I N I,

E T

ALEXANDRI VII.
PONTIFICIS MAXIMI
GENTILIS VITAE
SYNOPSIS.



THE UNIVERSITY OF CHICAGO

LIBRARY

1911

THE UNIVERSITY OF CHICAGO

LIBRARY

1911


LIBRARY



D. ANGELÆ CHISIÆ

SENENSIS

VITAE SYNOPSIS.



NGELAM illustre Sanctimonialium Ord. nostri decus, & ornamentum Senæ extulerunt, Tusciæ Vrbs ingenijs, studijs, & sanctitatis fama toto Orbe celeberrima. Nata est ex nobili, ac veteri Chisiorum genere; quod singulari deinde virtutum omnium splendore illustravit. Parentem habuit Augustinum Chisium à quo Puerula sanctis moribus confirmata, & adulta postmodum quadruplici connubio tradita est, quo excussa onere, tota in cælestibus mentem aduertit, nostriquè sacri Ord. Institutis initiari voluit, exemplo, & pijs B. IOANNIS CHISII Patruī monitis permota, cuius Vitam ad miraculum vsque imitari statuerat, sacrumquè Tertiarij sagum, quod nostri Sorores

E

Or-

Ordinis in pœnitentiæ signum gestare solent, Senis in Conuentu S. August. à Fratre Hieronymo de Francisco summo Prouinciæ Præfecto piè admodum accepit. Conuentum S. Antonij de Ardinghesca amplissimis sui patrimonij possessionibus, ac prædijs auxit, cumulauitquè; cuius adhuc testantia munificentiam Casali, Castrum, Chisij quondam subiectum, extant monumenta, conspicienda, ac inter cœtera Palatium fulminis impetu percutsum, & euersum, hodie sola Turre superstite. Quibus, & rerum omnium terrenarum curis procul in mare vltimum abire iussis, nihil studiosius, præter animæ salutem, & Dei gloriam aucupata vnicū sibi scopum Cœlum obijciens, & in quem intentis semper deuoti spiritus oculis collimaret; cuius abundè ad Crucifixi imaginem lachrymæ, precesquè effusæ, posteris amplum testimonium perhibere; quibus iugiter addicta, gloriosa exodo decessit; circa annū 1400. de qua itidē adiecta carmina me scripsisse memini.

*Angela, dum fuerat claris orbata Maritis,
Amplas, quas habuit nuda reliquit opes.*

Sic-

Sicquè secuta sui præclari exempla Ioannis ,

Pullo Augustini tegmine membra tegit .

Hinc sponsata Deo meritò bis digna vocari

Angela, tunc poterat nomine, & obsequio .

De eadem in ænea lamina incisa ante Crucifixi
imaginem prostrata, orante .

Poplitibus flexis Christum, dùm Chisia adorat ,

Angelicum dicas ; Angela complet opus .

Hic Lectorem monitum esse duxi, me respexisse ad

locum D. Pauli Epistola 1. ad Hebræos , ubi sic ,

Et adorent eum omnes Angeli eius ; cumquè An-

gela ad Christi pedes prostrata ipsum adorat

Angelorum munus complevit , nec minus Dei

amore sauciam se demonstravit, iuxta dilectissi-

mi Patris sui effatum In Soliloquijs suis; Qui verè

Deum diligit, Christum adorat .

Neque hic silendum par erat , carmen infra adno-

tatum , quod de senis eiusdem B. Ioannis Chisij ,

ac totidem D. Angelæ Chisix eius Neptis ima-

ginibus è Belgio transmissis , & à me Alex. VII.

Pont. Max. in donum oblatis, & ab eodem beni-

gnè admodum acceptatis .

En Tibi dilecti profertur imago Ioannis ,

Angela, cui Neptis stat veneranda comes .

Amborum tellus expressit Belgica vultus ,

Non tamen hæc mores attrigit arte pios .

Ars, utinam mentes utriusque effingere posset ,

Dignior in terris nulla tabella foret .

112
**EPINICIA
AD ALEXANDRVM
SEPTIMVM**

P. O. M.

In Epidemiam ab Vrbe nouissimè profligatam poetico calamo, adiectis Hypomnematibus, declamata.

A R. P. Fr. NICEPHORO SEBASTO

Eiusdem Ord. ac Neap. Coll. S. T. M. Archiepiscopalis ibidem Curiae pro Em. Card. Caracciolo Archiep. Exam. Synod. S. Officij Regni, ac Indicis de Vrbe Consultore.



R O M A E,
Typis Michaelis Herculis Anno Iubilei 1675.

Superiorum permissu.



S. D. N.
ALEXANDRO
SEPTIMO
 P. O. M.



VGUSTIS olim , Epinicia
 B. P. post partam ab hoste
 victoriam , venerabunda ac-
 cinebat antiquitas ; hæc Ti-
 bi, Epidemia nuper , hoste
 quouis sæuiori, proculcata, & ab Vrbe Or-
 bis Domina prorsum eliminata ; iure sed
 meliori accinenda ; duxi . Arma, nùm cla-
 uus, quo Romani veteres in Iouis Æde fi-
 xo , debacchantem sisti censebant Epide-
 miam ? Nùm Palamedis victimæ , queis
 ille auertendæ à gregibus pestilentiæ Apol-
 lini , Idæis litare populis suadebat ? Nùm

denique anguis ille ab Epidaurensibus Æsculapio, vt dæseuienti veneno, alio veneno consulerunt, oblatus? Haud sanè; sed tuæ fuere preces, quas assiduè domi, forisque Urbis Ecclesias lustrando in Deum, Diuosquè piè admodum effudisti. Precibus, summam in egenos, & derelictos munificentiam, vt verè cum Laurentio posses Ecclesiæ thesauros, non in scrinijs, sed in pauperibus indigitare, liberalitèr addidisti. Cuius tuo exemplo Dux ad virtutis fœmitam fuisti, vt per morum improborum mutationem, in quos lues inuehitur, ad diuinam sollicitandam opem, sacra non tantùm exhomologesi, quam diuina synaxi, expiandis, quibus, & mysticum illud Palladium, ac liberale Iubileum largitèr indulsisti, pestiferam luem profligandam asseuerasti, ijsque non minùs, quod pridem Vates Christianorum dignissimus, Ferrariæ post fluminum irruptiones, an-

nonæ

5

nonæ caritatem , ac bella , peste grassante
per vniuersam Cispalinam Galliam ; diui-
no plenus entusiasmo , denuò repetere
visus es .

*Funde preces ergo Diuis mala crimina pelle
Cum gemitu , meliorq; redi , sanctumq; piamentum
Perficiens ; sacra Cereris conuiuia recumbe*

Forsan, & hæc superas flectent moderamina mentes.
Reuiuixisse in Te sanè Gregorium illum
nomine , requè Magnum ausim dicere ,
qui suo æuo hac in Vrbe , peste grassante ,
Tyberiquè non aquarum cataclysmum ,
sed sanguinis eluuiem exundante , & plus-
quam olim insana credidit Gentilitas , cum
deuectus Epidauro , & demersus in am-
nem trabalis ille , magnitudinis Draco ,
qui nedum Urbem , sed & totum pænè La-
tium , pestifero halitu , infecit , nec maio-
ra præstitit , nec salubriora fanciuit . Tibi
non minus ALEXANDER , quàm illi
olim , debet suam Roma incolumitatem ;
Te

Te suum meliùs appellat Iouem sospito-
rem; Te suum veriùs proclamat delapsum
è Cœlo Palladium; Te suum denique au-
spiciaciùs indigitat pristinæ salutis Apolli-
nem, non nouennarium supra Musarum
chorum, sed Orbis supra nouem, & Vr-
bis Cardines præsidem, ad publicam Ci-
uium sanitatem, quos feliciter admodum
præesse voluisti. Ciuicam, en præfers Co-
ronam, ex aurea illa Quercu detextam,
quam pridem CHISIIS tuis, de suo detu-
lit stemmate Iulius II. Pont. Max. & ad
huius Tibi præcipuè singularis victoriæ
trophæum; At

Non Quercus Te sola decet, sed laurea Phœbi.
Idquè de Te veriùs, quàm pridem de illo
Romanæ Urbis Dynasta mentitus, acci-
nuisset Poeta, quam immortalitatis lau-
ream Ciuico ferto decoratam, ad non pe-
rituram Famam, & in Fama perenne be-
neficium Ciues, posteriquè omnes recita-
bunt,

bunt, at si eorum Gentiles olim Iunoni
 sopitæ delubrum religioso nimis impulsu
 extruxere, quod in graui pestilentia tem-
 pore morti addictos exemisset, Tibi iurè
 potiori hoc perennis gloriæ monumen-
 tum seruati Ciues excitare, non erube-
 scent. Cæterùm B. P. quæ Tibi offero
 Epinicia, non minori animi beneuolen-
 tia, quàm Vitam B. IOANNIS CHISII
 Gentilis Tui à me Tibi nuper oblatam, ex-
 cipias enixè rogo, precorquè, quod si ru-
 diori, quam par erat plectrò, & iucunda
 minus accinui lyra, opus prodromum esse
 censeas, quo plura, potioraquè à politio-
 ribus calamis, & à præstantioribus Apol-
 lineæ artis cultoribus, tamquam ex vbe-
 riori Amaltheæ cornu effundi, non leue
 erit incitamentum. Tibi non defunt Ho-
 meri, vt Magno olim Alexandro, ex qui-
 bus vnum dumtaxat suis euulgandis Orbi
 victorijs in votis habuit, & Achillis inui-
 dia

dit felicitati, quod tantum habuisset Martiæ suæ gloriæ præconem . Vale B.P.Orbi, Vrbi, Tibique. Romæ ex August. Asce-
terio . Kalen. Aprilis, anno salutis repara-
tæ 1657.

Sanctitatis Tuæ,

Humillimus seruus

*M. Fr. Nicephorus Sebastus, Melissenus,
Ord. Erem. S. P. Augustini.*

EPI-

EPINICIA⁹

AD ALEXANDRVM VII. P. O. M.

In Epidemiam ab Vrbe nouissimè
profligatam .

Roma sub gentilitio Alexandri VII. P.M.
stemmate ab Epidemico morbo ser-
uata , reuiuiscit .

EPIGRAMMA I.

(His,
Roma lues, dum Te vexat, damnosaq; Pe-
stemmate Alexandri testâ, pericla times?
Quercus adest dilecta Ioui, quæ missa retor-
quet

Fulmina, & horrentes non finit esse neces.
Bisenoquè iugo tua, sed cùm moenia cingit,
Firmior Urbanis vita, salusquè manent .
Fulgida, quæ splēdet sublimi in vertice Stella
Non lethum populis sanguine tincta notat.
Delirant Vates, terris cùm funera dicunt,
Aethereo, vt cernunt sidus in axe nouum .
Innocua', haud signât morituros sidera Ciues.
Sidus Alexandri signa salutis habet .

HY-

HYPOMNEMA.

Romano Cœlo felix, faustumquè semper erit
 Alexandri VII. Pont. Max. gentilitium stem-
 ma, ac sidus in eo præcipuè affixum; de quo vi-
 de Guilelmum Dondinum, Hieronymum Pe-
 truccium, Iacobum Masenium, Ignatium Bon-
 planum, Ioannem Lucarum, Franciscum Bri-
 uium, in Libro, cui titulus est, *Musarum plausus*,
 Alexandro VII. P. M. renuntiato, qui omnes è
 Societate Iesu, grauissimi sunt Auctores; ibi-
 demquè consule Illustrissimos viros, Iulium Ro-
 spigliosum, Tarsen. Archiepisc. & Sanctissi-
 mi Domini Nostri Status à Secretis, Ferdinan-
 dum Furstembergium, intimum eiusdem Domi-
 ni Nostri Pontificis à cubiculis, Franciscum Lu-
 cidum, Io. Baptistam Nigronium, Ioannem Cre-
 ueum Hybernum, intimum eiusdem Pontificis
 Sacellanum, Iosephum Mariam Suaresium Epi-
 scopum Vasionensem Virum summa eruditio-
 ne præclarum, fidei locupletes testes sunt, codi-
 ces ab eo scripti, præloq; expressi, Io. Baptistam
 Rufum Firmanum, Maximilianū Episc. Litome-
 ricensem, & ibi quamplures, ac non minus Igna-
 tium nostrum Dyckerium Belgam in Lyricis
 suis, *Ode prima, lib. 2.* qui à Chisiaco fidere, ne-
 dum Vrbi, sed & Orbi prospera, & felicia inau-
 gurantur fata. Quod de Stellis, vñ aiunt, crini-
 tis asserunt vates, eas nimirum, vel Principum
 salu-

saluti sinistra, vel Regnis euerfiones , vel imminentem aliquam populis cladem portendere , ut ex Suetonion *de Vita Cæsaris* , quo mortuo per sepriduum Stellam crinitam Vrbi affulxisse , notant ; vanum profectò delirium , & inane cum sanioribus rectè censeas , quos inter Antesignanus est Augustinus 2. *sup. Gen.* ad litteram , citatus à D. Thoma p. 2. q. 9. art. 5. vbi ita ; *Fatendum est, quando ab Astrologis , vera dicuntur instinctu quodam occultissimo dici , quod nescientes humanæ mentis patiuntur , quod cum ad decipiendum homines sit , spirituum seductorum operatio est .*



ALEXANDER VII. PONT. MAX.
 cum Gentilibus suis , à B. Ioannis
 Chisij æuo , immunes ab Epi-
 demix labe visuntur .

EPIGRAMMA II.

S Enenfi damnosa lues flagrabat in Vrbe ,
 Sanguinea miserū corpora falce metens.
 Feruida non tantis cumulatur frugibus æstas,
 Nec tantis redolet trynacris Hybla thymis.
 Horrida, nec tantos producit bruma rigores ,
 Quot letho pestis corpora sæua dabat .
 Immunis Chisio sua terfit spicula pestis ,
 An mirum? In Chisios non valet vlla lues.
 Immortalis erit Coelis pia Fama Ioanni ,
 In terris Chisij coelitus aucta viget .

HYPOMNEMA.

A Lludit hic ad illud Euripidis in suis Tragedijs
 dicentis ; *quod si quos Athenis pestilentia non*
sustulit, Deorum beneficio immortales habendi sunt,
quos inter non immerito recensendus B. Ioan-
 nes

nes Chisius, qui tribus ab hinc sæculis, Senis Epidemia grassante immunis prorsus euasit, vt apud Reuerendiss. P. Fr. Raimundum Capisuccum S. P. Apost. Mag. in eius Vita nuper Romæ typis edita, ac Excell. D. D. Mario Chisio, Alex. VII. ger. fratri, dicata pag. 108. videre est; à quo iure optimo secundus est B. Aloysius Gonzaga, eximium S. I. decus, & ornamentum, qui nouissimo sæculo, hac in Vrbe, debacchante peste, in Nosocomijs à Claudio Aquauia, summo eiusdem S. I. Præfecto, institutis, miro, ac singulari pietatis exemplo deseruiens, in media pestilentia, & inter fœdissima quæque desperatæ valetudinis semicadavera, & illorū vlcera sanie diffuentia, non tabifica lue, sed longa febrium diuexatione, plenus gloria decessit; porro de eius nocturnis flagellationibus, & calcarijs acuminibus, quæ frequenter nudo corpori adhibebat, adieci-
tum carmen addere par erat.

Dum nox alta filet molles sibi verberat artus

Gonzaga, & sacco mitia membra domat.

His addit tenerum dumeta intrantia corpus,

Otia, sic patiens exitiosa fugat.

Hinc Paphiam risit, turpesque Cupidinis ignes,

Hæc causa est; numquam desidiosus erat.

In Feflo Conceptionis Deiparæ Virginis,
ad eius de Populo Aedem accurrit,
quo die Romæ Epidemia mi-
tefcere vifa eft.

EPIGRAMMA III.

(cellas?)
L Ethales metuēda times quid Roma pro-
Non rectè Auguftis conuenit ifte timor.
Adftat Alexander, qui Custos Urbis, & Orbis,
In tua non patitur damna valere luem.
Si pia Te quondam feruarunt vota Gregori,
Te modo Alexandri cura, precesq; leuant.
Virginis auxilio Peftem Tibi difpulit ille,
Angelus eft index Aelia cafta tenens.
Alter Alexander votis ad Virginis Aedem
De Populo; populo miffa venena fugat.

HYPOMNEMA.

S Anftum Gregorium Romanum; fanctitate cō-
fpicuum, eruditione diuinum, ac celebri agno-
mine Magnum, Urbem quarto poft reparatam
falutem feculo, à peftifera vexatam lue prece ad
Deiparam Virginem fufa, liberaffe, & Angelū,
quem

quem Deus ad eiusdem excidium in Ælia mole constituerat, restitisse, nudatumque in vaginam gladium reducendum, coegisse, liquidò constat apud Bellarminium, & Baronium *In suis Annalibus*; cui & Alexander hic noster VII. magnus itidem cognomine post longam temporis intercapedinem ad Urbis salutem successit, qui effusis pariter ad Deiparam Virginem de Populo votis, & precibus, Urbem pereuntem, ac pænè excisam, incolumem, Deumquè ad veniam procliuem factum, Populo sibi commissò reddidit; sicquè verè *Magnus iste Sacerdos, in tempore iracundie factus est reconciliatio*. Cœteras verò Pontificis huius heroicas animi dotes, Maiorum imagines, qua bello, qua pace celebrium, ditiones, & ampla dominia, præcipuè Maciareti, & Fani Herculei in Tyrrhenis, vbi illustres Chisij Toparchas egerunt, nobiles, ac conspicuas eorumdem, nedum in Thufcia, sed in Regno Neapolitano, immò, & in tota Italia affinitates, ne vetera, & longa repetamus elogia, latius vide *In Vita B. Ioannis Chisij*, nuper à nobis poetico calamo Romæ typis edita, cui & synopsis Vitæ D.^æ Angelæ Chisiæ eius neptis, nostri itidem Ordinis Sanctimonialis, addita est, & eidem Alexandro VII. P.M. dicata. De tanri etiam Pontificis titulis, neotericos inter consule, Patres Conuentus nostri Colonæ Agrippinæ, in eadem B. Vita, & eidem Pontifici dicata, dum ibidem Nuntiū Apostolicū ageret, Capisuccum *In Epi-*

ſola dedicatoria eiufdem B. Vita , ad Excell. Marium Chiſium , Brulium noſtrum *In epiſt. item dedicatoria Hiſtoriæ Peruanæ*, Ord. Erem. S. P. Auguſtini, ab eo, ad eundem Pontificem ſcripta , dum Colonia Agrippinæ, Nuntiū itidem Apoſtolicum ageret, Ferdinandum Furſtenbergium *In Elegia ſua, & in Hendecasyllabo* , ad eundem Pontificem , quæ extant in Libello , *Muſarum plauſus*, indigitato à pag. 29. vſque ad 50. Natalem Rondinium S. D. N. ab epiſtolis ad Principes, ibidem *in Reſponſo ſuo* , verè ex tripode hauſto, ad Stephanum Abbatem Gradium, iuxta Catulli ſtylum , exarato pag. 143. & paſſim pleroſquè alios eruditiffimos , & vetuſtiores inter, vide Paulum Iouium, Petrum Bembum, Iulium Cæſarem Scaligerum, Petrum Aretinum , Hieronymum Borgiam, Maſſæ Lubren. Epiſcopum, qui omnes magni nominis ſunt Auctores, & de Chiſiorum Heroibus multa poſteris reliquerunt elogia .



Sua

17

Sua prece ad eandem Virginem oblata
Vrbem reddit incolumem.

EPIGRAMMA IV.

Visit Alexander sacrati limina Templi ,
Virginis è Populo fundat, vt ore preces,
Pronus in excelsa veneratur imagine Diuam,
Diuaque se votis sistit imago suis.
Extemplo Ausoniæ visa est mitescere pestis,
Et dare placata damna minora nece
Prisca modò sileat Paschalis Fama per Urbē ,
Hic Stygia explosit monstra, sed iste necat.

HYPOMNEMA.

Hanc historiam de Paschali II. Pontifice Ma-
ximo cacodæmones isthic profligante , vbi
sedem sibi ad Neronis tuendas exuias , imma-
nitèr Populos vexaturi , defixerant , quo postea
in loco sacra hæc Aedes de Populo erecta est ,
refert Ciacconius in huius Pontificis Vita , & cū
eo Iosephus Matrania, *In Historia S. Mariae de
Porticu*, Iacobus noster de Albericis *In suo Com-
pendio*. item Ambrosius Landuccius S. A Præfe-
ctus, & Episcopus Porphyrien. *In Origine Tem-
pli*

pli S. *Mariae de Populo*, & Benedictus Millinus, in libro suo de hoc Templo, mox edendo, quam pijsſimam Aedem ab eo poſtea acceptam Xyſtus IV. Pont. Max. reparatæ ſalutis anno 1480. Deiparæ Virgini ſine labe Conceptæ apprimè, deuotus, vt videre eſt apud Aegidium noſtrum Luſitanum, de Præſentatione nuncupatum *In tract. de Conceptione Virginis, lib. 3. q. 6.* à fundamentis euerſit, & in nobiliorem formam reduxit, vt clarè patet in Vitis Pontificum Romæ; excuſſis anno 1630. idquè etiam liquidò conſtat, ex cuiſdèmet Pontificis inſignibus in eadem Aede appictis; quam demum Alexander VII. P. M. pontificia munificentia, accerſitis vtique Bernino, & Vannio, noſtri æui Lyſippo illo, Apellè iſto, vbi & Gentilium ſuorum buſta, dignis Elogijs, præcipuè ad Auguſtinum Sacelli fundatorem, & ad Sigismundum Iulio II. P. M. inter paucos carū ſeruantur, reſtaurauit, exornauitquè, ac perenni Elogio in Deiparam Virginem antiquæ pietatis ad oſtium templi, poſteris commendauit, quod ſic ſonat.

ALEXANDER VII. PONT. MAX.
 FABII CHISII OLIM CARD.
 TITVLARI AEDE ORNATA
 SVI PONTIF. PRIMORDIA
 ANTIQVAE PIETATI
 IN BEATAM VIRGINEM
 CONSECR. A. D. M DC. LV.

Porro

Porro tam pium, & munificum in nostrum Ordinem Pontificem superi diutissimè seruent incolumem, atque ad extremum cùm lethalis superuenerit hora, Mariano exornato Templo, velut Propugnaculo contra hostium insultus defensus, hinc DEIPARA VIRGO, inde AUGUSTINVS, suis vterquè stipatus legionibus, gloriosè ad Beatorum sedes collocent, & inter cætera meritorum suorum præconia, id ipsum coram diuinæ Maiestatis throno ingeminantes; *Dignus es Domine, vt Te ipsum mercedem ei, præstes; diligit enim gentem nostram, & Templum ipse ornauit nobis; ita Augustiniani omnes ex animo vouent; & apprecantur.*



D. Petri Aedes inuifit, die 13. Decembris, Anno 1657.

EPIGRAMMA V.

A Estuet impatiēs morbis lethalibus æger,
Extremumq; trahat peste furente diem.
Oret Alexander Vaticani ad limina Templi,
Integer exilijs, qui prius æger erat.
Ægrotis, quid ni valeat conferre salutem?
Solut Alexander nomen, & omen habet.

HYPOMNEMA.

Alexander ex Græco vocabulo, idem est, ac Latinis Auxiliator; unde nil mirum, si in Vaticanā Sede locatus, fulgentissimo suæ lucis radio, miseris ægris auxilium laturus, lethales eis tenebras auerterit, Quid Alexander VII. nisi Lux; Idquē Iulius Rospigliosius, Tarsen. Archiep. & intimi eiusdem Pontificis status à secretis, ingenio, pietate, ac eruditione in paucis clarus, adiecto expressit Anagrammate; ALEXANDER SEPTIMVS PETRI SEDE LVX MANAS; cui etiam sequens, & cultum adiecit Epigramma, quod & notatum habes, in Libello, *Musarum plausus*, indigitato, & Alex. VII. Pont. Max. renunciato pag. 135.

Lux

*Lux Mundi Deus est; Mundi lux Petrus; uterq;
Vaticane Orbem Sedis ab axe beat.*

*Regnat Alexander, Petrique è Sede, Deique
Sede Petri manans lux noua in Orbè micat,
Quale iubar recti? Quæ lux pietatis? Honesti
Quale decus? Quantus Religionis amor?
Omnis Alexandri lucem plaga sensit, & arsit
Illo omnis, Soli deuia, terra calet.*

*Lux non vna micat, lucis fons vnus, ab vno
Manat Alexandro, quæ micat Orbe dies.*

*Ergo Petri è Solio, quæ lux, terrisque; Poloque
Manat Alexander, aut Petrus, aut Deus est.*

Par erat ad huius Anagrammatis cum recensito
Epigrammate Auctorem, aliquid ex nostro He-
licone, vt & meritissimum Vatem intexere;
Quem, & Sidus Olorum exortum, extincta Ale-
xandri luce, nouum Vaticano Cœlo, splendorem
conciliaffe Christianus Orbis expertus est.

*Dum noua Alexandri prodis natalia Mundo,
Exortam lucem prodis, & esse nouam.*

An & Chisiaco de sidere talia pangis,

*Quod binum, aurato stemma sub axe notat?
Nascitur an nouus in terris nunc alter Iulus,*

*Dum natum æthereo dicis in Orbe iubar?
Sic equidem; sed non demissum ex æthere fulsit,
In terris Solem nunciat esse nouum.*

Septem Urbis Ecclesias piè admodum
perluſtrat, die 22. Decembris
anno 1656.

EPIGRAMMA VI.

Effera placatis miteſcūt tempora morbis,
Et pereunt terſo ſanguine tela Iouis.
Parcarum ceſſat rabies, vita obtinet Urbem,
Lethifer ægrotis pallor ab ore fugit.
Euentus, quæ cauſa noui? Cū Tempſa reuiſit
Urbis Alexander, ſtat rediuiua ſalus.
Quem morbū, nullæ potuere Machaonis artes
Pellere; Alexander pellit, vt aſtra rogar.

HYPOMNEMA.

Inuit hic Auct̃or, idem quod Varēs Chri-
ſtianorum clariffimus, in Ciſalpinis, peſte
debaccante, anno M. DC. XXX. VRBA-
NO Oſtauo Pont. Max. in Vaticano folio; ad
ſummam totius Eccleſiæ felicitatem, euecto,
accinuit; idque in eius Pontificatus primordijs,
& meritis Urbs experta eſt; vnde ſic ille,

Et

Et meritis, Urbane, tuis gratissime Cælo,

Pacatum terris numen, Te præside, parcer.

Quod tantillum primo carmine immutato,
mihi ad Alexandrum hodie Pont. Max. inflecte-
re libuit.

Annue, Alexander, meritis gratissime Cælo,

Pacatum terris numen, Te præside, parcer.

Porro cum de tanto Vate digna mentio ac-
ciderit, in eiusdem cultissimas lucubrationes,
& Parnassiacos flores ex bifido illo, & amæ-
no iugo collectos, hoc à me delineatum He-
xastichon subijcere visum est.

Facundas solus fingens sine nomine Musas,

Musarum linguæ munera solus habes.

Cur matura vocas Iuueniles scripta Camenas?

Nomine, cur humili grande notatur opus?

Antiphrasis certa est, Musæ sunt illa Seniles,

Et Vates senior Nestore, Nestor erit.

Elogium illud *Seniles*, à Patre Ioanne Bapti-
sta Masculo S. I., æui nostri Horatio, inter
mutua Neapoli colloquia, acceptum refero,
quem nuper pestilentia correptum, quam-
vnicè fleui, defleui; fletquè indeficienter Mu-
sarum chorus, cum Apolline suo, de cuius
morte, & Lyricis prælo emissis, & Fabio
Chisio, Neritonensi tunc Episcopo, nunc
Alexandro Septimo Pont. Max. dicatis, per
quem Colonix Agrippinæ, dum Nuntium
Apostolicum ageret, novam lucem videret,
se-

sequens epicedium, querula veluti præfica,
accinui.

Mascula sunt verè, quot Masculæ carmina pāgis:

Fæmineam resonant, nec tua plectra Lyram.

Vnus Alexandrum meritò, si pinxit Apelles;

Vnus Alexandro scribere dignus eras.

Quod dedit æternum per sæcula nomen Apelli,

Hoc Tibi longæuum nomen in Orbe dabit.

Invida, cùm nuper tua læsit corpora Pestis,

Anne tuum grandi lædet in Orbe decus?



Inter tot ALEXANDRI curas, precesuè
 SANCTI NICOLAI sanguis, qui
 Tolentini concretus asseruatur,
 mirum in modum colli-
 quefieri, visus est.

EPIGRAMMA VII.

DVm Tollentini sacrum feruere cruorem
 Cernis, & emisso lacte fluenta dare.
 Inclyta Alexandro præbent Epinicia palmas,
 Quas modo pestifero victor ab hoste tulit.
 Quid profers? Sanguis vindictâ clamat Abelis,
 Hic pacem æthereo sanguis ab axe petit.
 Nouerat hanc olim præstare Eugenius Vrbi,
 Tu modo Alexander ferre salutis opem.

HYPOMNEMA.

Alludit hic ad illud sacræ Scripturæ locum
 Genes. cap. 4. vbi ad Cain Dominus.
Sanguis fratris tui clamat ad me de terra; nec
 minus, ad illud Eugenij Quarti Pont. Max.
 quo

quo tempore SANCTVM NICOLAVM in-
 Diuorum Apotheosi relatum, Ecclesiam schif-
 mate diuisam, Thaumaturgi meritis huius
 Piceni, & intercessione, tranquilla frui pace,
 expertus est, vt latius in eiusdem Vita videre
 est, quam modò sub Alexandro Septimo lon-
 go firmaram robore, cum Ciuum salute mira-
 mur. Porro tam singulare portentum emissis
 ab Episcopo Maceraten. in Vrbem litteris, nec
 minus publicis illius Vrbis documentis latè, di-
 lucidèque constat.



Ad Excell. D. D. Marium Chisium ,
 Alexandri VII. P. M. germanum
 fratrem .

*De eius ingenti studio , quo Urbem ab immi-
 nenti clade seruauit .*

EPIGRAMMA VIII.

HOstis, vt Ausonius armato milite muros,
 Cingere, & exorta sternere luce putat .
 Tutula sublato Romanos euocat igne,
 Et libertatem seruat, & Urbis opes .
 Romanos infesta volant, sic fata per agros,
 Urbanos morbis astra inimica premunt,
 Maius sub Mario spectauit Roma trophæum,
 A morbo, cùm se libera Roma videt,
 Romanos quid opes cum libertate iuuarent,
 Si totidem morbis vita perempta foret .
 Vt fieret longo memorandus nomine , pestem
 Optauit Caius serpere in Vrbe ferox .
 At stultus; verùm Marius discrimine longo ,
 Hanc videt, & sæuam pellit ab Vrbe luem.
 Quam prisco Mario ; huic Romanæ plaudite
 gentes ,
 Compulit ille hostes, dispulit iste neces ,
 HY-

HYPOMNEMA.

T Utulam ingenioso stratagemmate Romam à Sabinis obsessam, liberaſſe, refert Plut. In Camillo, Caium Caligulam pestem in Vrbe, aliasquè calamitates, vt sibi nomen inde perennè compararet, opſaſſe, memorat Suetonius, & alij passim Historici Romani. Marium inclytū Romanorum Consulem Cimbros, & Theutonos ad aquas Sextias ab Italis, nè dum ab Vrbe eliminaſſe, memorat idem; quam Marius noster inclytus, nuper feliciori tutam reddidit omine, & ad sedandam huius Cymbe tempeſtatē, (quod dici solet) Prora, & Puppis verè extitit; quod me pridem de ipſo Romam Senis adueniente, adiecto carmines vaticinatum, memini.

*Innumeros pelagi fluctus, terræquè procellas,
 Despice ter felix Cymba sacrata Petri.
 Venit Alexander, qui Te cum Robore firmat,
 Bissenoque micans vertice stella regit.
 Siue Maris montes ledunt, en Marius adſtat,
 Qui maris undosaſ ſiſtere nouit aquas.
 Si Tibi ventosaſ efflauerit Aeolus auras
 Flauius has vno comprimet ore minas.
 Surgant Hæretici cum tempeſtate feroces,
 Qui fuget, hinc Heros inclytus alter adest.
 Auspicijs tantis, & tanto numine tuta,
 Nunquam fluctiuora præda Charybdis eris.*

Ad

Ad Flauium Chisium Alexandri VII.
P. M. Nepotem .

*De eius felici nomine , & omine, quo Vrbem
à pestifera lue sospitem præstitit.*

EPIGRAMMA IX.

Flauius Aufonij Lenæum Cæsar in agris,
Dissipat, & vites luxuriare vetat .
Dū neglecta Ceres tenues numerabat aristas.
Constita, vt ingenti palmitē terra foret .
Sternitur irato Nysæus Cæsare truncus,
Cogitur, & Latij Baccus abire plagis.
Nōne dedit maius portentū hic Flavius Urbis
Omine quo, tantam Roma recepit opem.
Vter erit maior Cæsar ne, an Flavius iste
Inclytus ? Id fatis postera sæcla notent :

HYPOMNEMA.

DE Flauio Domitiano Cæsare, vites ab Urbis
excidente; vide Tranquillum Suetonium *In*
Vitis, Ammianum Marcellinum, Velleium, &
& passim alios idem affirmantes.

Ad eundem de eodem.

EPIGRAMMA X.

Multa palatinis volitabat Musca theatris,
 Bella ciens auido sæpe molesta pede.
 Insidias timuit, teloquè armatus acuto
 Flavius, infestas cuspide figit anes.
 Extimuere feræ, regnantis vulnera dextræ,
 Perdidit, & totū Musca perempta genus.
 Flavius haud muscas dextra proffigat inanes,
 Sed turpes Hydras, Gorgoneasquè lues.
 Reddita Roma sibi est, certisq; erepta periclis,
 Hercule sub tanto viuere, quisquis ouat.

HYPOMNEMA.

Flavius, item Cæsar, quod Muscas ei apprimè
 molestas ab Vrbe expulerit, recensiti Aucto-
 res memorant, ac Flavius hic noster inclytus, ne-
 dum Herculeo accinctus robore, sed etiam Pal-
 ladio, quod Senis in natali solo, ab vberibus hau-
 sit, ad legalia studia capeffenda, quibus hodie
 Romæ ad miraculum vsque præfulget, & pesti-
 feras has Hydras nomine, & omine suo radicitus
 auulsit. Porro cū de eius Pallade inciderit
 mentio, sequens Epigramma, de eius thesibus,
 Senis

Senis celeberrimo in illo Athenæo, mirantibus, gaudentibusque eruditis omnibus ab eo defensis, & Alexandro VII. dicatis, pro vtriusq; Iuris laurea consequenda, scribere libuit.

Si fugiens exul terras Astræa reliquit,

E superis iterum iam rediitua venit.

Quis valuit victam desertum cogere ad Orbem,

Quam (Flavi) poterat cogere nemo, vales?

Symbola Laurus erit, quam Senis incluta virtus,

Et Patriæ nuper Pallas amica dedit.

Quam sub Alexandri sacra sti nomine laurus,

In docta æternus fronte virescet apex.

Cum autem nuperrimè Flavius idem noster inclutus, ab Alexandro VII. P.M. dignissimo Patruo in Prælatorum album meritò sit relatus, per quod, & in Vrbe causas patrocinari visus est, sequens carmen in eiusdem præconium accingere æquum est.

Ad Patrios per Te felix Astræa penates

Prodiit, atherea nuper ab arce redux.

Hæc eadem per Te Latiumquè, Urbemq; petiuit,

Romuleo præstas dum tua iura foro,

Nemo sacrum merita linquit sine laude tribunal,

Dum iusta rerum pondera lance tenes.

Institiam commendat inops, commendat & auro

Dives, & occultos spernit uterque dolos,

Reddita Roma sibi est, fraudum compage soluta,

Et scopus effecta est Legibus una tuis.

Ad Augustinum Chisium, Alexan. VII.
P. M. Nepotem, & Castrî S. Angeli
Præfectum.

EPIGRAMMA XI.

ASpera dū fervent cōceptis tela venenis,
Ausonidum tellus tincta cruore madet.
Fortis per media Augustinus funera lustrat,
Noxia, nec pestis spicula missa timer.
Nūquid Palladia præcinctū ex Aegide dices?
Aelia, dum solus castra tuēda subit. (stat,
Haud equidē; Augusto clarus, si nomine præ-
Augustis animis, fata, nec arma nocent.

HYPOMNEMA.

ALludit hic ad eius Augustini, & Patris Augusti conspicuum nomen, quo felici sub nomine, & omine Martia nihil, & funera aduersantur phænomena, Augustus semper in Chisij vigeat honos, & ab laugendo desumptum nomen; Augustinus posteris Gentilibus, serisque Nepotibus feliciter transmittet hæreditarium, ut nihil opus sit, ad excitandos eorum animos, aureum illud Epigramma palmaribus litte-

litteris ; vt audio , in laqueari paternis in ædi-
bus Senis excisum , illustris vbi Picturis penicil-
lo Cæsaris gesta ad virtutis aculeum , à Repa-
ratæ salutis anno M. C. XL. Gentiles Chisij ap-
pingi voluerunt, quod sic sonat .

*Fleuit Alexandri Cæsar , cum vidit honores ,
Concepitque animis æquora, Regna, Polum .
Inde triumphatum circumtulit arma per Orbem ,
Tantum ingens virtus æmula facta potest .
Quisquis in hac igitur desigit imagine vultus ,
Æmulus is magni Cæsaris esse velit .*



Ad Eminentissimos S. R. E. Principes,
 Franciscum Barberinum, Sacchettum,
 Sfortiam, Astallium, Otthobonum,
 Imperialem, Borromæum, Lantgra-
 uium, Azzolinum, ab Alexandro VII.
 Pont. Max. super sanitatem, grassan-
 te nuper in Vrbe Epidemia, consti-
 tutos.

EPIGRAMMA XII.

INtegras, cùm Romæ profertis iura salutis,
 Se mortis seruam libera Roma videt.
 Aurea Francisci commendat munera linguæ,
 Læguida, quæ morbis corpora melle replet.
 Cùm sua depromit præstâtia iussa Sachettus,
 Semper ab hoc miseris profluit ore salus.
 Sfortia, cû Princeps mentis consulta recludit,
 Fortia, si fuerint funera, fracta cadent.
 Dissipat, hinc hasta Urbanos Astallius angues,
 Ast alius Delphis Urbis Apollo sedet.
 Si malus Ansonijs Ottho defæuijt oris,
 Alter inest Vrbi, sed magis, Otthobonus.
 Imperialis adest sacro, sed fulgidus ostro,
 Im-

Imperio linguæ temperat iste faces .
 Hic Borromæus Caroli subiungitur heres,
 E Patria ille, sed hic pellit ab Vrbe lucem.
 Emicat hos inter longè Lantgravius Heros ,
 Qui grauis eloquio dira venena necat .
 Azzolini fulgent Romano Sidera Cœlo ,
 Lumine, quo vitæ Roma recepit opem.
 Vos igitur meritò Romanæ præesse saluti
 Iussit, qui Latio regnat in Orbe Pater .

H Y P O M N E M A .

PRæter eosdem Eminentiss. Princeps , salutē
 publicæ inuigilantes, adfuerunt Prælati dignis-
 simi, qui non minori studio priscam Vrbi inco-
 lumitatem præstitere, quorum nomina in æter-
 nitatis fastis diutius, quàm nostra hac in tenui
 pagina insculpta prodibunt, quod si ea recense-
 re liceat; hic adiecta typis mandauimus, & hi
 sunt, Illustrissimi DD. Franciscus Maria Baran-
 zonus Urbis Præfectus, & Vice Camerarius, Ex-
 cellentiss. Princeps D. D. Marius Chisius, Odo-
 arduus Vecchiarellius Prothonotarius Apostoli-
 cus, & Cameræ Apostolicæ Auditor, Iacobus
 Franconus Prothonotarius Apostolicus, & Ca-
 meræ Apostolicæ Thesaurarius generalis, Hie-
 ronymus Farnesius Pontificij Palatij Præfectus,
 Iulius Rospigliosius, Tarsensis Archiepiscopus,

& S.D.N. intimi Status à Secretis, Annibal Ben-
 tiuolus, Thebarum Archiepiscopus, Ascanius
 Riualdus, Cæsar Rasponus Sac. Consultæ à Se-
 cretis, Hieronymus Castaldus, Matthia Naldus
 Senensis S.D.N. à valetudine, Fabius Celsus, pri-
 mus Pop. Rom. Conseruator, Hyacinthus de
 Bufalis Deput. Dominicus Iacobacius Deput.
 Iosephus de Annibalis, & Franciscus Castagna-
 ceus Rom. Pop. Fiscii Patronus; Quos inter in-
 suis quisque Regionibus Illustris. DD. Bru-
 nengus, Mutus, Carpineus, Marefcottus, de To-
 tis, Maculanus, Grimaldus, Crescentius, Serlu-
 pius, Tassius, Zelonius, Barbaricus, & Accoram-
 bonius effulsere, nec minus Illustrissimi DD.
 Cerrus, Celsus, Caraffa, Montecatinus, Nigro-
 nus, & Roncionus, qui omnes æmulo studio,
 huic è Romano Cælo depellendę noxię Ati de-
 certantes, non Lites strabas, & claudas, sed mul-
 toculas, & leuipedes egere. Faxint superi vt, per
 quos Vrbi delapsa est è Cælo salus, diu Ciues in-
 columes seruet,

F I N I S.

EPINICIA AD COMITEM DE CASTRILLO

NEAPOLITANORVM PROREGEM.

De Parthenophea Epidemia illic feliciter
absumpta poetico calamo, adiectis
Hy pomnematibus, decla-
mata.

A R. P. Fr. NICEPHORO SEBASTO

Eiusdem Ord. ac Neap. Coll. S. T. M. Archiepiscopi
palis ibidem Curiae pro Em. Card. Caracciolo
Archiep. Exam. Synod. S. Officij Regni,
ac Indicis de Vrbe Consultore,



R O M A E,
Typis Michaelis Herculis Anno Iubilei 1675.

Superiorum permissu.

Illustriss. & Excellentiss. D. D.

GARTIÆ DE HARO
ET AVELLANEDA,

COMITI DE CASTRILLO,
Neapolitanorum Proregi &c.



Andem aliquando, Excellentiss. Domine, Parthenope, quæ nouissimè perfurentis inter Epidemiæ procellas, ingenti Populi clade fluctauit, sedata tempestate, disiectoque calamitatum turbine nullum, nisi Te, sui maris Cynosuram respicit, & pristinæ suæ incolunitatis Auctorem veneratur. Huic ægrotanti, ac malè affectæ Syreni, omnes Asculapij nepotes, adiunctis Auicennæ Machaonibus vale dixere, cùm nullum in morbos Mithridaticum, nullum in deficien-

cientem naturam Amuletum, nullum in
venenum per intestina inferpens Alexi-
pharmacum, nullum denique liquorum
genus in Epidauria pixide, quo Syrenem
hanc fospitem redderent, in suis reperie-
re schedis: Tuum hoc opus, hic labor
fuit, & felicius quàm olim Pythonem
Apollo in Phocide defœuientem, auspica-
cius, quàm Alcides Hydram septicipitem
in Lernæo lacu monstra monstris glome-
rantem, ac veriùs, quàm Perseus palladia
munitus Aegide, Medusæos angues, mor-
taliùm animos deterrentes, à Partheno-
peis oris pestiferam luem; his longè, la-
tequè horridiorem monstris, protriuisti,
propulisti, iugulaisti. Non absque tamen
diuina ope id gestum reor, quam sæpiùs
in sacro Deiparæ Virginis Constantino-
politanae Templo piè admodùm sollicita-
sti; expertus reapse, quo illa triumphans
ad alta Cœli sidera euolauit die, triumphali

li etiam assumptione monstrum hoc hor-
 rendum ingens, ab ea peremptum, & ab
 Vrbe profligatum; hinc debitæ memor
 gratitudinis, qua luce in Matris gremio
 concepta, conceptam Populo salutem,
 euulgasti. Famem, quæ peste ipsa, teste
 Liuius, deterior, ac truculentior est, non
 minus auertisti, quam procul in terrarum
 vltima ablegasti; Martis fanè noui belli
 furoribus, accensam in Stabijs iram non
 formidasti, quod non equidem miror,
 Cantabrico, vt potè, accinctus chalybe, à
 Gentilibus tuis, ibi Dynastis, acceptilato,
 vt qui Palladem in pectore ab Ephæbis,
 Salmanticæ, Hispaniarum Athenis, con-
 dideras, per quam meritò Regi carus in
 paucis, & vtrique notus Hesperiaë emicas,
 immo, & vbi Sol ad Hesperum vergit,
 ibi, & tuæ gloriæ Phosphorus exoritur.
 Hinc finem dicenti facio, enixè rogans, &
 orans, vt hæc æquo animo, Epinicia, Tibi
 de

de tanto hoste domito, oblata, in grati
 animi mei tessera, excipias, Vale, Ex-
 cellentiss. Domine, Regi, Patriæ, mihi què.
 Romę ex August. Asceterio Kal. Aprilis,
 reparate salutis, anno 1657.

Excellentiæ Tuæ,

Observantissimus

*M. Fr. Nicephorus Sebastus, Melissenus,
 Ord. Erem. S. P. Augustini.*

EPI.

EPINICIA ⁷

Ad Excell. DD. Gartiam de Haro, & Auellanedæ, Comitem de Castrillo, Neapolitanorum Proregem &c.

De gentilibus eius, quibus insignitur, & Parthenopem seruauit, titulis.

EPIGRAMMA I.

(das,
GArtia, qua Populos erga Tu Gratia abū-
Perpetuò Syren Parthenopea canet.
Quàm rectè de Haro præclaro sânguine fulges,
Dum miseris ægris Ara salutis ades.
Cumq; & Auellanedæ Tibi sit delata Corona,
Per Te iam meritò Pestis auulsa perit.
Castrillū Comitem totus Te nominat Orbis,
Nam rectè Patriæ castra salute vigent.

HYPOMNEMA.

EXcellentissimus hic Heros', nedum Parthenopem suis gentilibus titulis à pestifera luè liberauit, sed etiam ab immani annonæ caritate, & belli,

belli , quod si occiduum Orbem , cui sapientèr
admodum olim præfuit , in Matritensi Senatu ,
ornauit , ac Famam sibi perennem comparauit ,
non minus Parthenope nuper hanc sibi debitam
vindicauit , de quo adiectum epigramma me
exarasse , memini ; quod & si tanto Principi , &
Iberiaë Columini impar , in Magnis voluisse fat
est .

Ornasti Occiduum Castrillo legibus Orbem ,

Dum Regni Præses cura fidelis eras .

Nunc alium decoras Orbem victricibus armis ,

Id Latiam vidit , Parthenopequè canit .

Quid mirum ? Si sis Castrillo , id munera præstât ,

Nam per Te Comitem Regia castra vigent .

Par erat , de Excell. D. D. Maria Gonzales , Delga-
dillo , & Auellaneda , inter Hispanas Matronas
celeberrima , eiusque dignissima Coniuge , hoc
aliud carmen , accinere .

Cùm Te Parthenope venientem vidit in undis ,

Syrenem Siculi credidit esse maris .

Illæ demulgent aures dulcedine cantus ,

Tu magis adspectu flectere corda vales .

Illæ præcipiti minitantur in æquore mortem ,

At Tu oculis vitam conciliare potes .



In Deiparam Virginem Assumptam,
 Quo die Epidemia Neapoli grassata vim
 remisit.

EPIGRAMMA II.

Sumpserat irati fulmē iam dextra Tonātis,
 Parthenopæ muris mille datura neces.
 Iamquē venenatis trepidabant mænia telis,
 Et rea gens æqui senserat arma Dei.
 Quis Populi potuit delere piacula fontis?
 Et tantas (dices) flectere voce minas?
 Sponsa, Parensq; Dei, telū abstulit vna mināti,
 Et fera per mites dispulit arma preces.
 At postquam miseris tulit exorata salutem.
 Aethereas sedes, tūm rediuiua petit.
 Flammea par erat, vt funesti sidera Cœli
 Cessarent, quando sidera Virgo subit.
 Nec minus, & longo victrix è funere surgens,
 Par erat, vt letho plebs redeuiua foret.
 Aligeros iubilis repetens, si Virgo repleuit,
 Cur, & non ægris gaudia prima daret?
 Laomedontææ sileant miracula Troiæ,
 Palladis, haud signū Troes ad astra ferant.

I

Ma-

Maius adest hic portentū, pro Pallade Virgo,
 Pro Troiæ muris mæsta Neapolis adest.
 Præstitit optatam Pallas, sed Virgo salutem,
 Illa manendo dedit, hæc abeundo tulit.
 Quid Tibi Parthenope liceat promittere; Cælū
 Si tantam repetens dat Tibi Mater opem?

H Y P O M N E M A.

DE Palladis simulacro in Arce Troiana, Cælo
 delapso, eo potissimum tempore, quo Arx
 illa, & Mineræ Templum, Laomedonte Vr-
 bis Conditore ædificabatur; vide Virgilium
Lib. 2. Æneidos, ubi præcise ostendit, quamdiū
 Palladium illud in Arce Troiana servatum est,
 tamdiū tuta ab hostibus, & incolumis Troia
 extitit; de quo sic.

*Omnis spes Danaum, & capri fiducia belli,
 Palladis auxilijs semper stetit impius, ex quo
 Tydides sed enim, scelerumque inuentor Vlysses
 Aggressis Diue sacratum auellere Templo
 Palladium cæsis sacra custodibus arcis.
 Corripuere sacram effigiem. —————*

Idem affirmat Ovidius *Libro 13. Metam.* ubi sic,
 ————— Tydidis crimina nosce,
 Qui Laertiade quondam sociatus Vlyssi,
 Iliadum columnen sanctum depressit ab arce

Pal-

*Palladium, quo tracta malo, qua vindice Diva
Orba per Argolicas ceciderunt Pergama flāmas.*

At Parthenope veriùs per Deiparam Virginem
ad Cœlum assumptam, quàm Troia per Palla-
dem e Cœlo delapsam, pristinam salutem ex-
perta est, eiquè passim verè innotuit præco-
nium illud Bernardi ad eandem Virginem; *Ser-
mon, 4. de Assumps* circa medium, vbi sic; *Sit pie-
tatis tuæ, ipsam quam apud Deum gratiam inueni-
sti, notam facere Mundo, reis veniam, medelam
agris, pusillis corde robur, afflictis consolatio-
nem, periclitantibus adiutorium, & liberationem
sanctis tuis precibus obtinendo,*



Ad eandem Deiparam Virginem Conceptam, quo die Neapoli pro assumpta Epidemia publica salus denuntiata est.

EPIGRAMMA III.

(ceps,

A Sfyrius Solymæ cingebat mænia prin-
 Hostiles minitans sternere Marte lares.
 Aduolat æthereo miles demissus Olympo,
 Qui valida fundit castra inimica manu.
 Turbabant Patrios hostilia funera muros,
 Fessaque sub dira peste gemebat humus.
 Angelus haud istam; Virgo Cōcepta repressit,
 Attulit ille necem, sustulit ista necem.

HYPOMNEMA.

Hanc Historiam de Angelo Sennacherib, exercitum Assyriorum sternente reperies *Lib. 4. Regum cap. 19.* ubi sic; *Factum est igitur in nocte illa venit Angelus Domini, & percussit in Castris Assyriorum centum octoginta, quinque millia.*
 Cum-

Cumquē diluculo surrexisset vidit omnia corpora mortuorum, & recedens abiit. Solusquē Sennacherib in tanto Angeli excidio seruatus est, & idcirco, teste Hieronymo Com. 38. Isa; Vt sciret potentiam Dei, & blasphemantia ora compri- meret, fieretquē testis illius Maiestatis, quem paulo ante contempserat; quod si illam Solymæ Urbem, propter Dauid seruum suum, vt ibi- dem habes, seruauit Dominus, Parthenopem, non per seruum aliquem, sed per Deiparam seruorum Dominam seruauit.



Ad eandem.

De eodem argumento.

EPIGRAMMA IV.

NEptunus validis in littora sæuiat undis,
 Aeolus, & tumidis sidera pulset aquis.
 Alcyon in scopulo rectum si construat, omnis
 Undosi præceps decideret ira freti.
 Aestuet admissis Vrbs Parthenopea venenis,
 Sanguinis, & calidas fluctuet inter aquas.
 Exprimit Alcyonem Virgo Concepta, salutē
 Nuntiat illa salo, nuntiat ista solo.

HYPOMNEMA.

Alcyonem in scopulo, quæ maris tranquillitatem portendit, innuit Arist. *Hist. Lib. 5. cap. 8.* his verbis; *Alcyon circa brumam parere solita est, quamobrem, quoties bruma serena existit, dies Alcyonæ appellantur.* Cui etiam se subscribit Plinius *Lib. 10. cap. 32.* his verbis.

Sol-

13

Solstitio brumali maxime sunt insignes Alcyones,
 dies earum partus, maria, quique nauigant,
 nouere. Et paulum infra sic. Fetificant bruma,
 qui dies Alcyonides vocantur, placido mari per
 eos, & nauigabili. Eadem ferè narrat Sanctus
 Ambrosius In Hexameron, vt apud eundem
 videre est; cuius Auis symbolon esse Deipa-
 ram Virginem, passim ostendunt Sancti Patres,
 quæ Tyronibus etiam nota sunt.



Ad eandem.

De eodem argumento.

EPIGRAMMA V.

(turmas,

I Sacidum meditans Holophernes vincere
 Non sibi bellârem credit in Orbe parem.
 Vt Ciues saluet, fortem quæsiuit inermis
 Iuditha, & sumpto dissecat ense caput.
 Sic dū Parthenopes credit subuertere muros
 Sæua lues, diras cogit ad arma manus.
 Virginis in festo Conceptæ absumitur, vnde
 Et Patriæ fulsit, Parthenopesquè salus.

HYPOMNEMA.

H Anc Historiam de Iuditha Holopherni ca-
 put excidente reperies *In Libro Iudit ca-*
pit. 13. Iuditham verò Deiparæ Virginis um-
 bram, & figuram esse, nullus est, qui in sacris
 litte-

litteris, parum 'licet versatus, non affirmet; de qua vnum multorum adinstar habes Didacum de Celada, *Tract. append. de Iuditha figurata in Prologo*, vbi ludichi vmbra esse Marianæ lucis luculenter ostendit, ad quam illustrandam, verbis illis D. Gregorij apud Thomam Ibernicum, intititur. *Vmbra non aliter exprimitur, nisi per lumen, & corpus. Virtus altissimi Mariam obumbrat, quid in eius utero lux incorporea corpus assumpsit.*



Ad eandem

De gratiarum actionibus, in Byzantina
cuius Aede à Populo Neapolitano
editis.

EPIGRAMMA VI.

Non prius irati requierunt fulmina Cēli,
Cōcepta in gremio, quā pia Virgo foret.
Cur dices? Stygij hic caput exitiale Draconis,
Conterit, & victrix noxia fella fugat. (ris,
Sic modò Parthenopes trepidis dissecit ab o-
Lethales anguis, quas vomit ore faces.
Aurea sic redeunt mutato sæcla metallo,
Venit Io populis, venit amica salus.
Nunc Byzantiæ meritò Genitricis in Aede,
Plebs bona det grates, det pia thura, preces.
Per quam iterum gentes optatæ signa salutis,
Et Superum pulsa peste fruuntur ope.
Extulit è medio quondam Byzantiōn igne,
At modo Parthenopes dispulit vna neces.

HYPOMNEMA.

Neapolitani omni ævo in Deiparam deuoti
 exstiterè, idque Alex. VII. Pont. Max. cul-
 rissimus Hæturicæ Vates, & ipse in eandem affe-
 ctus, latino plectro luculenter testatur, in libro
 suo, cui titulus est, *Musæ Iuueniles*, cum Me-
 lita per Neapolim Romam contenderet, quo in
 itinere Cryptam Puteolanam intuisit, & Deipa-
 ram ibi religioso cultu veneratam; hoc depixit
 Elogio.

Antrum Relligio seruât; mediumque Mariæ

Excultur numen; paruaque è lampade fulget.

Sed quantum in Virginem Constantinopolita-
 nam, Neapolitani sint affectu procliuës, ob li-
 beratam Urbem, & Regnum elapso seculo, cla-
 rè liquet ab Æde illa in gratitudinis tesseram ei-
 dem extructa, plerisque decorata piorum elo-
 gijs, nunquam apud posteros, intermorituris,
 de qua consule Michaelẽm Abbatẽm Iustinianũ,
 sui ingenij monumentis à se editis satis notum,
 in Libro suo vulgari idiomate exarato, cui titu-
 lus est, *Origine della Madonna di Constantinopoli*,
 Romæ pridem typis edito, & Excellentiss. D.
 D. Francisco Marino Caracciolo Abellinatum
 Principi, dicato. Qui nuper Neapoli, qua bel-
 lo, qua pace maximè celebris, & sui magno de-
 siderio relicto ex hac vita decessit. Faxit Deus,

ut Syren hæc Parthenopea , ne tumidis amplius
in fluctibus , ac sæuis in tempestatum turbini-
bus , sed in placato mari secura , tutaquè in lit-
tore sedeat .

F I N I S .

Ad maiorem Dei Optimi Maximi, Dei-
paræ Virginis sine labe Conceptæ,
Sanctorumq; omnium gloriam .



*Magister Fr. Nicolaus Oliua Senensis Ord. Erem.
S. Augustini Prior Generalis.*

V Ira B. IOANNIS CHISI Senensis Ord. nostri, itemquè D. Angelæ Chisæ eiusdè Neptis, ac Ordinis Sanctimonialis Vitæ Synopsis, & Epinicia ad Alex. VII. P. M. in Epidemiam ab Vrbe profligatam à Reu. P. M. Fr. Nicephoro Sebasto Neap. S. Officij Regni, ac Indicis de Vrbe Consul-tore poetico calamo, adiectis Hypomnematis, delineata, ac typis edita; nunc denuò ab eodem in paucis aucta, & illustrata; quæ cum infrascriptus Reu. P. Mag. Fr. Camillus Canali à Monte Ilcino noster Prosecretarius, & Neap. Studij Regens, cui censuram commissimus, recognouerit, & iterum in lucem edi posse probauerit, tenore præsentium facultatem concedimus, vt typis mandentur; si ijs ad quos pertinet, ita videbitur; In quorum fidem has litteras nostri muneris sigillo munitas dedimus in hoc nostro Conuentu S. Augustini de Vrbe, hac die 15. Septembris 1675.

Fr. Nicolaus Oliua Prior Gen.



Locus † sigilli.

*M. Fr Camillus Canali à Monte Ilcino
Prosecret. ac Neap. Studij Regens.*

399. 752

**Imprimatur si videbitur Reuerendis. P.
Mag. Sac. Pal. Apost.**

I. de Ang. Arch. Urb. Vicefg.

Iterum imprimatur.

**Fr. Raimundus Capisuccus Ord. Præd. Sac.
Pal. Apost. Mag.**

Ad usū P. Ludovici à P. ^{de} ~~Lucia~~

